

# DIWAN-İ NASİRİ



By

*Allahmâh Nasîr al-Dîn Nasîr Huzâî*

Latin Script By

Prof. Ettienne Tiffon

and

Prof. Yves Charles Morin



Published by

KHANAH-I HIKMAT

IDĀRAH-I ARIF

I FOUND THIS ORIGINAL BOOK WHILE CLEANING THE BOOK  
SHELVES AT FATEH ALI UNCLE'S PLACE.

WHILE DISCUSSING WITH FIDA-I MUK, HE TOLD ME THAT IN 1980  
**SAHIB HIMSELF TYPED THIS BOOK WITH A MANUAL TYPEWRITER**  
AND THAN ADDED THE DICRITICAL MARKS WITH A PEN OVER IT.

SHEHZAD AMIN

MAY 16 2015

# دیوانِ تصیری

یک از تصنیفات

علامہ تصیر الدین تصیر ہوزانی

شائع کردہ

## خانہ حکمت


د۔ رحیم کورٹ، ۳۱۲ گارڈن ولیم ٹول  
کراچی ۶ (پاکستان)



**'Allamah Nasiruddin 'Nasir' Hunza'i**

ACKNOWLEDGEMENT

I would like to place on record my deepest gratitude for Prof. Ettienne Tiffou and Prof. Yves Charles Morin, Department de Linguistique et de Philologie, Universite de Montreal, for their suggestion and encouragement in transliterating my work "Diwan-i Nasiri" into Latin script. I will never forget that dignified environment full of human virtues and those pleasant days which I spent in the company of the esteemed professors.



Allamah Nasir al-Din Nasir Hunzai,

3/3/1980

9th October, 1961

My dear Spritual child,

I received your telegram, and I give you my best loving blessings for your devoted services. I am very happy to know that you have completed the Ginan Book in Hunza language.

Yours affectionatly,

Aga Khan.

Al-vaez Nasiruddin Nasir Hunzai,  
c/o H. H. Aga Khan's Ismailia Council,  
RAWALPINDI  
W. PAKISTAN

6  
LIST OF GINAANS

NO	GINAAN	NO	GINAAN
1	Alii Sultaan Muhammad Šaa!	2	Hamiiša Nuure Daman
3	Jaa alto dunyaatiñe Šahinsaa	4	Jaa ase ſurayaare hiñ
5	Une gane as yuyibi	6	Žu le hikmate Saa!
7	Un Nuure Tajallaa Šaan	8	Je une aajiz gadaan baa
9	Aliiyii Murtazaa diimi	10	Ma'rifate bazmar gari
11	Waqtē Damane ġaybe Nuur	12	Mominane qalbe Arſu lo
13	Šule sire čaja	14	Jiiye alćine gari
15	Aašiqaan Mawlaa Tajallaa	16	Yaa Alii Sultaan qabuul aa
17	Ase taqht une ye žu Mawlaa	18	Um al-Kitaab ġaraasu lo
19	Nuure Mawlaa Tajallaa	20	Nuure Damanne yalu lo baan
21	Hin sujuwane suuratu lo	22	Une ſule fu asar balis
23	Muu unale bişkiyam	24	Jannate uyamin
25	Hin Qhudaaye Nuur	26	Mawlaa mačhićay diidaar
27	Baśare kamaale hadu lo	28	Mawlaa goyarum bay ke
29	Nuuru lo til ma'jizah	30	Dunyaa ke qiyaamate gane
31	Hazrat-i Sultaane	32	Yaa Rabb qabuul mee
33	Gučharas Sarwe ŠB	34	Nuure DAMAN yeenabaa
35	Qhudaaye Nuure jilwaa čum	36	Jamip siis!
37	Waa jiiye jiiye Yaar	38	As salaam Yaa Saah-i Mardaan
39	Nuure Šama'!	40	Jaa čağamini Uyam Yaar
41	Ğaybe birkirañe Daman	42	Birdiyate ajab ma'jiza
43	Aalama te thaanum manis	44	Balii ke mii watanar
45	Sultaane Nuure Rahmate	46	Azale Nuure TAN
47	Zamiin ke Aasmaaniñe Saah!	48	Mii jii ke aqle ſurayaar
49	Diin ke dunyaa qaraar	50	Mastaana Šugulo

NO	GINAAN	NO	GINAAN
51	Paak Mawlaa śule siis!	52	Qhudaaye Nuur Qhudaaye Śaan
53	Diidaare qhimoor baā ke	54	Qhudaaye iśqe kitaaban juwan
55	Hunzo ilme kaan maniṣ	56	As daačuwa
57	La'liñe kaa tool manaaS	58	Azale Ustaad
59	Mii kheene Daman	60	Jaa ḡaybe śurayaariñe Daman
61	Qaymat manuwaa le iśqe fuu!	62	Haazir Imaame iśqe fuwan
63	Mii abaše guncin	64	Waqt diya ke
65	Sabuur hin aaśiqan	66	Śaah Kariim diine Śahinśaah
67	Hin Qhudaa Wahdate Nuur	68	żu le Śahinśaa
69	Zamaanaa Nuure TAN	70	Śulguyo kala but meski duwal

Ali Sultaan Muhammad Šaa!

1. Ali Sultaan Muhammad Šaa! Šahinšaah-i zaman jaa baa  
Asar zu le jaa ase surayaar! Mathan ooman Daman jaa baa
2. Supandure goon numan jaa jii šule fuwate gulaas yeesaa  
Darum kuli un jamip ooman zu jaa ce nire gumman jaa baa
3. Je daa ke jilwa aaltiri un je une husne qhariidaar baa  
Ase surayaare thos asquur! Jamip sisar oor aqan jaa baa
4. Qhiyaale qhilwatar zu le zindagaaniye bazme bijliye saan!  
Qhošiye dunyaa sahaa jaanaan! Ajab han san mukan jaa baa
5. Hamiisa jaa tasawwure aayinaw lo huubehuu geiccaa  
Le un jaa baa beyan jaanaan! Šiqam cataran nukan jaa baa
6. Agiltir rahmate yalu lo be dunyaw lo be uqbaw lo  
Ne khole kam jaar ne ele gam jaar duqaaṭum Panjtan jaa baa
7. Nasiiruddiine eyanum baqht ditaljar waqt asiir manila  
Šuguluwe iſqe daftar niic esay:muu un gatan jaa baa

Hamiisa Nuure Daman

1. Hamiisa Nuure Daman waqte Murtaza un baa  
Rasuule aslii nasl zaat-i Mustafaa un baa
2. Qhiyaale Aalame paydeeše ibtidaa un baa  
Jamaale jilwañe raś, iṣqe ibtidaa un baa
3. Waliitiñ une śule sambaw lo mast-u mastaana  
Jalaale taqhte Daman Šaah-i awliyaa un baa
4. U anbiyaatiñ uyoonar be ma'jizah uğunaa  
Qadiime aqle ḡames har hinar şasaa un baa
5. Hamiisa aslii qhošiye zindagaanii iṣqe fanaa  
Fanaa amanase be ḡam jaa abade baqaa un baa
6. Khot umre kheen esalam gočile čhil juwan ničila  
Khot umre jaar be wafaa jiiye bul-wafaa un baa
7. Je In če yaškii dečan Ine nimaaz ayaamaya baa  
Hamiisa aqle nimaaz iṣqe qhaas du'aa un baa
8. Je une muhibbate asquriñe nasaṭe mast nama baa  
Hamiisa jaa ase majlisu lo mah-liqaa un baa
9. Le ruwe duṭan ganeñar oothayas un aqle garii!  
Sateeše ruwe hol uygar aqle piiswaa un baa
10. Thi men ke iṣqe biyaymine milenč ayoomay baan  
Marize śule biyayar zindagiye śafaa un baa
11. Pasoom gu-khar ayetum aalamin uyoone sa baa  
Qadiime mulke Daman adle Paadśaa un baa

12. Hamiisa han bila une saane, baatiniw lo nisaan

Magar Libaase Zuhuuriin badal ne chaa un baa

13. Nasiir gu-khar cum akoogan khok aqle la'le barii

Du-chhanumin aqline Sultaane bare gadaa un baa

Jaa alto dunyaatiñe Şahinşaa

1. Jaa alto dunyaatiñe Şahinşaa duustii manış qhaa  
Ine iṣqe ganu lo gurgu ećam akin diriṣ qhaa
2. Dunyaa barenas ulćine jaa duust aqayćay  
Iqhlaase surmaa aqle nazar saň ayetiş qhaa
3. Jaa umre tome une şule miwayk ayawş ke  
Maarane hariçiye ćuruk eći ithan ćhiriş qhaa
4. Une iṣqe thomal jiiye supandur nuku eća baa  
Afsuus bila naa! Rahm atučas hin iğuliş qhaa
5. Une sujo sifatiň ayeemanum qalam heras ke  
Jaa jey ke multane oow guça baa lamayň giriş qhaa
6. Ine iṣqe safar doom bila diidaare basaň qhaa  
Đan himmate naa nafse hağuć gulji waliş qhaa
7. Alćin dufaṭar niyikulii une gan nuparan baa  
Une Nuure kiraamaate qadam jaa le baliş qhaa
8. Ruuhaanii qhoşkiye iide tamaaşaan amu lum naa!  
Diidaariye asmaanu lo ćheeyyan aqanış qhaa
9. Dunyaate sitaarin ke ḡarin jaar be awaajii  
Ine iṣqe Israafiile burğuu aar aqariş qhaa
10. Jaa as će beşal aaşıqiye gaalan apim jaan!  
Une fuuṭa te şule hunče liman asu lo gaṭiş qhaa
11. Jaa zindagii Ქok ine şule maqsade gane diwsam  
Ine zikra te baa jaa tike qaalib quşaliş qhaa

12. Muu hikmate tom yaare dukoo waa ke adab hen  
 Duun sabre le un aqle uyam miiwa šališ qhaa
13. Jaa oowe čhilan Nuure Bahaaru lo be yalam naa!  
 Jaa ase basii čhaa rāh rāne asqur duqhariš qhaa
14. Jaar ilme qhabar beske apim, himmat apim jaa  
 Un Nuure Kitaab hikmate kaa asu lo ġariš qhaa
15. Une zikru lo une fikru lo une išqe našaw lo  
 Buť heeši je thap čhaa huruṭam gon duwariš qhaa
16. Amu lum le ačhar čum fuwe čitriišo šalaasan  
 Ine išqe marman jaa ase pardaar aqališ qhaa
17. Ma'šuuqiye Sartaaaj manu way purmo ke waapas  
 Diidaarane hik heeši ke mii mes apasiš qhaa
18. Ine sujo lamanu lo duunase gane muu be zsaana  
 In nuure lamayn dečin nićay ariin masiš qhaa
19. Dunyaate muhibbatu lo ajab haw hilihan gaa  
 Ma'šuuqe jamaalin ayosin fitna basisiš qhaa
20. Diiwaana Nasiir diimi ke bas šule fu ewaljay  
 Šule bazmu lo bam šulguyo marakaa če fu chiš qhaa

Jaa ase surayaare hin

1. Jaa ase surayaare hin aar besalar dooy baa yaa Mawlaa?  
Khuulto doon yaa jimale doon cheey guuya baa naa waa bandaa!
2. Ase qhoysiye hinche cheey amis bi ke eeyanam naa yaa Mawlaa?  
Yaade cheey, jaa yaade cheey, chor guuya baa naa waa bandaa!
3. Une uyam yaad til ayaalas belate meeyamii yaa Mawlaa?  
Jaa sumulo Farmaan decaan ke til akooljuma waa bandaa!
4. As siyas dunyaate game as garbel aati bi yaa Mawlaa?  
Isqe gam se ke isqe game dunyaate gam seci waa bandaa!
5. Muqhtalif sulniin lo majbuur baa ke beejam yaa Mawlaa?  
Jaa sular sulguyn mane ke aazaad gumayma waa bandaa!
6. Arkuyañ cum duusasar ray bela te duusam yaa Mawlaa?  
Jaa amoos cum ar guman ke arkuyañ niici waa bandaa!
7. Jiiye armaaniin uyoon besalar duchaymi yaa Mawlaa?  
Ruwe balas jisme qafas cum duusumar bee waa bandaa!
8. Isqe gam cum ruu besal aazaad imaymi yaa Mawlaa?  
Hin manaas aalamu lo meltik hin mimanumar waa bandaa!
9. Baatinkiye diidaare armaan baa ke beejam yaa Mawlaa?  
Baatiniye gulcin dumar dar haal ayeesuma waa bandaa!
10. Une makaaniin but biccan qhas amu lo goyarum yaa Mawlaa?  
Jaa qhose dismin haran cum gosu lo ayarum waa bandaa!
11. Mii qiyaamate mesa ne baan besalar qiyaamat yaa Mawlaa?  
Muu ke ii yeesuma qiyaamat ma'rifat gan waa bandaa!
12. Qhas be qismane bandagii cum qhos gumay baa yaa Mawlaa?  
Isqe hersine bandagii cum qhos amaya baa waa bandaa!
13. Amu lo meey bila nii Nasiir'ar gaybe diidaar yaa Mawlaa?  
Zaahiriy lo baatiniw lo jii ke esu lo waa bandaa!

## Une gane as yuyi bi

1. Une gane as yuyi bi čhoor žu le jaa jii fidaa!  
Sule fu nučhin duuyi bi čhoor žu le jaa jii fidaa!
2. Sarke guyeešar hawas deeri le une ġaybe nas  
Une šule aa as garas čhoor žu le jaa jii fidaa!
3. Une sujo diidaare ray une ĉaga šurayaare ray  
Kaa bame giyumaare ray čhoor žu le jaa jii fidaa!
4. As šule ġame haan manii hijre pariisaan manii  
Oow Nuwe Tuufaan manii čhoor žu le jaa jii fidaa!
5. Asu lo guyana sar qhimoor jaa ase haar ulo gi čhoor  
Sarke ya, qhas ya ke ya šoor čhoor žu le jaa jii fidaa!
6. Aqle firištaan numa jismu lo insaan numa  
Mazhar-i Rahmaan numa čhoor žu le jaa jii fidaa!
7. Sarke le Rahmaane Nuur! Nuure tajallaa Zuhoor!  
Jilwahe Ġilmaan-u Huur! Čhoor žu le jaa jii fidaa!
8. Ruwe sire bazmu lo šaraab jaa ase baaġu lo gulaab  
Ii mesas aqline kitaab čhoor žu le jaa jii fidaa!
9. Beyaski jaa šul uyaam! thi ke thi ayaawar mudaam  
Qaw dukoyal subh-u šaam čhoor žu le jaa jii fidaa!
10. Fayz mičhiyas aasmaan aqline bul jiiye kaan  
Wahdate izzat ke šaan čhoor žu le jaa jii fidaa!
11. Aqle samandar ġuṭum išqe hunar thum ke thum  
Une sir uyoon ĉum uyum čhoor žu le jaa jii fidaa!
12. Raahate firdawse baaġ ruwe thape gane saň ciraag  
Asu lo ayaa išqe daaġ čhoor žu le jaa jii fidaa!

13. Nuure mahale Paadśaa! Śule sise puśt-u panaa!  
 But sujo une baargaa čhoor žu le jaa jii fidaa!
14. Kheene Ali naamdaar hikmate Duldul-Sawaar  
 Qahr bila une Zulfiqaar čhoor žu le jaa jii fidaa!
15. Mazhabe Aalamu lo saa! Til sujo ruumuče basaa!  
 Kawn-u makaanar şasaa! Čhoor žu le jaa jii fidaa!
16. Aqle bariñe muk ujal hikmate la'lin eśal  
 Henase gadaa baan mesal čhoor žu le jaa jii fidaa!
17. Une gane jaa jii tayaar qhas dukocay baa hazaar?  
 Jiiye Damaan jiiye Yaar! Čhoor žu le jaa jii fidaa!
18. Nuure kiraamte KARIIM zaat-u sifaatu lo Qadiim  
 Čaybe Qhabar bam Hakiim čhoor žu le jaa jii fidaa!
19. Aarife nuuraani taaj aasiqe dardar ilaaj  
 Diinu lo un san siraaj čhoor žu le jaa jii fidaa!
20. Une gane muu but nigoon meeymi Nasiir iśqe čoon!  
 Sen ine hin čar nukoon: čhoor žu le jaa jii fidaa!

Żu le Hikmate Saa!

1. Żu le Hikmate Saa! Ase basí čhaa ayn bahaar aa  
Surayeeše uyam aqle famol asu lo tayaar aa
2. Dunyaate qhiyaalaate parišaan aya Mawlaa!  
Şule jannate baypaşu lo nağıltir je qaraar aa
3. Diidaariñe armaane uyam heena te aawar  
Jaa jiiye ačhar une şule ǵaybaana sitaar aa
4. Jaa bandagi buť kam bila naa qudrat Mawlaa!  
Han bandagi bask az hazaar baago şumaar aa
5. Qhas yeeča ke jaa asu lo dukon meni ko fukan şul  
Jaa teeyl ise as fukum fuk aa lip ne garaar aa
6. Şule raiu lo girum ruwe gaťu chane aasiqe giyumaar  
Jaa ruwe gaťu une şule rane til naqş-u nigaar aa
7. Sa ke thap ke hisa ke den phar etas girdiše Maaliik!  
Şule game datu ase baağu lo ćhoor phar ne bahaar aa
8. Une kala buť uyam şul mili kul ruwe biyayar bas  
Une şule miliya te bii-qhabar as warc eh huśaar aa
9. Jaa jiiye balase galgicanu lo hirsine şook yeeč  
Jaa but dućhanum galgičan'r rahm eh żu thaar aa

10. Jimdeene Bihišt buṭ žiga bila waa ruwe Dihqaan!  
 Ruuhaani Basiye asquriihu lo duun qhoś'a kaar aa
11. Domiyas be ajab muk ke luçum une gane čhaa jaa  
 Un zuwas ganu lo jaa ayarum jii ga nisaar aa
12. Dunyaa ke qiyaamatu lo faqat yaar gu-manış aar  
 As ḡayra ne šul čum čhan'e aazaad'e bizaar aa
13. Un Nuure Sa baa as čhane une iṣqe sa-asqur  
 Un nim diš uyoonar gu-yakal as čhan'e phaar aa
14. Un jaa ase ka'baa le čhane jaa ruwe qiblaa!  
 Jaa iṣqe nimaazu lo ase askil une čhaar aa
15. Sule bazmu lo šurayaariñe saamaan akhara le bos  
 Ase multane aar šaraab kabaabar aso qhaar aa
16. Sir čap eh le Nasiir čaga aye šurayaare du'aa sen  
 "Ruwe taar eh asar čhaa gu-yakal jaa ase taar aa"

## Un Nuure Tajallaa Šaan

1. Un Nuure Tajallaa Šaan Sultaan Muhammad Šaa!  
Un waqte Šah-i Mardaan Sultaan Muhammad Šaa!
2. Aqline sabaqar ustaad ruwe Qhizre Čhilar saaqii  
Jaa čhanki garaas Qur'aan Sultaan Muhammad Šaa!
3. Ruu jiindo eh Israafiil! Aaltir le qiyaamat čhoor!  
Diidaare je but armaan Sultaan Muhammad Šaa!
4. Zaahir manu way Mawlaa in yeenaso sis Šurayees  
Aalame sis uyoon hayraan Sultaan Muhammad Šaa!
5. Sultaan Muhammad Šaaḥ Šahzaada Ali Šaaḥ bay  
Šahzaada Ali Salmaan Sultaan Muhammad Šaa!
6. Wa'daw lo buṭan čhan baa jaa ruuwu lo gu-čhar dayalam  
Jaa Ilm-i Ladunniye kaan Sultaan Muhammad Šaa!
7. Une aski žuwas taa'at une iſqe gamiš jaa diin  
Diidaare bačik iimaan Sultaan Muhammad Šaa!
8. Jaa Nuure Damar yeenas biigaana sisar but doom  
Šulguyuwe gane aasaan Sultaan Muhammad Šaa!
9. Une iſqe uyamkuş jaar oomaymi abad qhaa kam  
Jaa jiiye azale jaanaan Sultaan Muhammad Šaa!
10. Une ma'rifatu lo daspar ruwe aab-i hayaat aamin  
Ruwe aab-i hayaat Farmaan Sultaan Muhammad Šaa!
11. Nuuraani sa goor nawkar es daltas halanc une čon  
Goor barči bila le asmaan Sultaan Muhammad Šaa!

12. Altambo bihiştin cūm ek uyoone Daman jaar yar  
Jannatiñe Daman Rizwaan Sultaan Muhammad Saa!
13. Une zaahiri diidaarar afsuus je atasqaltam  
žu le asu lo hurut pinhaan Sultaan Muhammad Saa!
14. Une rahmate šurayaarin šule banda Nasiir'ar leel  
Saas heesi je goor qurbaan Sultaan Muhammad Saa!

## Je une aajiz gadaan baa

1. Je une aajiz gadaan baa ase du'aa manzuur eh Yaa Mawlaa!  
Hunar ke ilme raś ćum mii watan til nuur eh Yaa Mawlaa!
2. Haqiqate aqle la'liñe birkiran oo mulke diš dišu lo  
Henaskuše qadre dunyaw lo buṭan mašhuur eh Yaa Mawlaa!
3. Jahaalat mese duṭankuś, une haqiqat mii ruwar saṅkus  
Haqiqate ilme saṅkuś deer jahaalat duur eh Yaa Mawlaa!
4. Menan qhas ilme lizzat ćum qhabar oonim mathan bay ke  
Qhabar neer ilme śiiraa ćum heyar majbuur eh Yaa Mawlaa!
5. Un aälame ilme Maśriq baa, mi une ta'liime mağrib baan  
Zamaanaa ilme san saan mii dimaağar buur eh Yaa Mawlaa!
6. Menan une hin će imdaadar dečan dii bay ke śulguynan  
Madad nići ǵaybe hikmat ćum buṭan maškuur eh Yaa Mawlaa!
7. Qhuronç neewar ayaś neeġas watan jannat će yom mee naa!  
Atuğanas Guymo Rahmat ćum buṭan ma'muur eh Yaa Mawlaa!
8. Gu-khar leel aa Gu-khar aaltir qhiyaale ǵaybe pardaw lo  
Duṭan as Nuure jilwań ćum Tajallaa Tuur eh Yaa Mawlaa!
9. Safaayi ke warziśar ray bam hilesanar ilme muk yuu naa!  
I-dim ke jii sihat nee aafiyate masruur eh Yaa Mawlaa!
10. Miyoon dunyaa ke diinu lo kaam-yaabiye aqle himmat mee!  
Nasiiruddiine bişkinasin uyoon manzuur eh Yaa Mawlaa!

## Aliiyi Murtazaa diimi

1. Aliiyi Murtazaa ciimi muhibbaan! Šukr-i Mawlaanaa  
Igħiex Muhammed Mustafaa diimi muhibbaan! Šukr-i Mawlaanaa
2. Sah-i Duldul-Sawaar diimi hameeyl ne Zulfqaar diimi  
Janaa'ate jiiye Yaar diimi muhibbaan! Šukr-i Mawlaanaa
3. Qħutane qħas cikiye nas diimi ayas baa jeymo as diimi  
Għażalihar jaa ħawas diimi muhibbaan! Šukr-i Mawlaanaa
4. Hayaa ke ilme kaan diimi ajab han nuure saan diimi  
Qħudażżei Iimo Saan diimi muhibbaan! Šukr-i Mawlaanaa
5. Haqqiqa Panjtan diimi ayas baa jaa Daman diimi  
Buġi Rahmat nukan diimi muhibbaan! Šukr-i Mawlaanaa
6. Haqqiqa sir fatañ meeymi asan jaa muuto san meeymi  
Jaġi p-sise os qutañ meeymi muhibbaan! Šukr-i Mawlaanaa
7. Qiyaamatu lo mi-yrar meeymi bihištū lo diš mi-mar meeymi  
Miyaar Kawsar babar meeymi muhibbaan! Šukr-i Mawlaanaa
8. Muriid qħos numa hiliñ meeymi Imaame Šule ġariñ meeymi  
Haqqiqa qħas bariñ meemi muhibbaan! Šukr-i Mawlaanaa
9. Na mii tawfiiq badal meeymi na maħsaru lo qhalal meeymi  
Liwaa-i hamde yal meeymi muhibbaan! Šukr-i Mawlaanaa
10. Abasinar in Madad-gaar bay muhimihar in mi-mar Yaar bay  
Tamaam magħluuqhe ġam-ġħwar bay muhibbaan! Šukr-i Mawlaanaa
11. Nasiire une sanaa sey bay unar jaa jii fidāa sey bay  
Aqlċane marhabaa sey bay muhibbaan! Šukr-i Mawlaanaa

Ma'rifate bazmar gari

1. Ma'rifate bazmar gari jaa Hazrat-i Sultaan diya  
Mase makaaniñ paak etin muu Paak Ağaa Qhaan diya
2. Işqe biimaariye sabab çum chormu çum as iiri bim  
Qum bi-izn-Allah ǵatanasar muuto jaar Isaan diya
3. Işqe dasu lum ǵhile giyamísoo! Maar mubaarak, qhos qhabar!  
Maa senum zaariye du'aa çum rahmate daryaan diya
4. Ine sifate chuum daal ecar jaa khonane luum çum bask apim  
Jaar madad jaǵhijar Sulaymaan çum ke yar baadsaan diya
5. Ine haqiqate gane guchar ćar jaa aql jaar thap bilum  
Iimo gan ii sarke etasar nuure han jaar saan diya
6. Sule sabaq henasar ni bim as ine muhibbate madrasaar  
Niyasu lo naa-daan ni bim as, žuwusu lo Luqmaan diya
7. Yeeča sar armaan naman jaa eeyla tar jii ǵiibila  
Agle durbina te barenina Prins Ali Salmaan diya
8. Jaa qhiyaale asquriñ qhas ǵhile gane armaan bićum  
Umre basiyar bos manaas ine Rahmate qatraan diya
9. Aql apim jaa as uyoonu lo ǵaltimihe zańgar bilum  
Muu je tawbaa ǵhilu lo yaalcam ya, nii ine Farmaan diya
10. Al-amaan mii jii dimeespas Kińti dićo yaa wagte Nuu!  
Har taraf dunyaa uyoon çum fitnamine tuufaan diya

11. Śule haqiqat desçatas jaar han ajab muśkile gatan  
     But ayaś baa muśkiliń diśunas Śah-i Mardaan diya
12. Jii bilum qurbaan etam hal daa ke jiimiń buṭ maniṣ  
     Gunc̄ ke han qurbaan ećam če jaa śaśaayiye kaan diya
13. Hazrat-i Muusaar ḡanaas Tuure Čhise Toma ṭum Gari  
     Iimo Sirmiń sarke etasar qħas Qhudaaye Śaan diya
14. Nafs-i ammaara adimu lo Misru lum Fir'awn juwan  
     Guy nuhen jaa bar akan ke goykiyar Muusaan diya
15. Isqe ćagamiń čhoor ćup eti le guljiyar akenas Nasiir!  
     Une senum ćagamiń gayar han heen uyam tootaan diya

## Waqtē Damane ġaybe Nuur

1. Waqtē Damane ġaybe Nuur aqle jalaaliħe kitaab  
Jisme Libaasiħe Zuhuur jiiye kamaaliħe kitaab
2. Hikmate Paarañ heyar aqle iħsaaran heyar  
Iśqe nazaaran heyar ġaybe jamaaliħe kitaab
3. Une šule jaryaar uyam qand-u nabaat iśqe ġam  
Asu lo aqeen numa be bam iśqe jalaaliħe kitaab
4. Saa jaku lum yal guman diilasu lum tal guman  
Aqle muwakkal guman fikre sawaaliħe kitaab
5. Aqle iħsaaran ke doom hikmate gan qhas aboom  
Żuyn le henin iśqe room! Nuure misaaliħe kitaab
6. Sugulo ya-kal gos ħan'e samban uyoon muu han'e  
Gosu lo ġatan guuyl ban'e zikre qhiyaaliħe kitaab
7. Muu fat eh bas qiil-u qaal iśqe sabaq gan zu daal  
Horkuwe jiiyar hubaal zaahire qaaliħe kitaab
8. Hikmate ooħħaa ta'aam aqle jaċċewe gane haraam  
Ine ġataniš qħaa tamaam ġaybe halaaliħe kitaab
9. Gaflate huutu lo aqu zikre jahaazar gi zu  
Waqtē Imaam ċum dusu kaſfiħe haaliħe kitaab
10. Gosu lo gareñ ċap neh baa hikmate gane thap neh baa  
Iśqe sabaq zap neh baa waa ruwe yaaliħe kitaab
11. Gayre barenċu lo aqan sire ċaga aye gosu lo gan  
Gose ķito baagu lo gatan hikmate faaliħe kitaab

12. Qhošíye gamiš niiki hen tibla eh šurayaare gen  
    Ćaara bila le yarne sen guymo fi'aaliñe kitaab
13. Hercúme destuy gu-khar yeesú ma ine šule hunar
14. Ine Siré Tawhiide Bar mantiqe naaliñe kitaab
14. Bandagiya te ruu neh bask aqle kaman dan itask  
    Lip neh žu waswaase fask sambane jaaliñe kitaab
15. Asu lo ġare le jiiye yaar ruwe šule bazmu lo sitaar  
    Isće firiştaa ičhaar jannate haaliñe kitaab
16. Ebo le Nasiir gos čhanum bee ke barin büt bičum  
    Baatine Mumkin bilum sarke mahaaliñe kitaab

## Moominane qalbe Arsu lo

1. Moominane qalbe Arsu lo Rahmaan manaas ajiib  
Ruwe nuqta Zikre wus'ate asmaan manaas ajiib
2. Qur'aane ma'nii han numa nuqtaan manaas ajiib  
Nuqtaane ma'nii but numa qur'aan manaas ajiib
3. Daryaa qhuronç, haralt numa qatraan manaas ajiib  
Qatraane sinda kaa numa daryaan manaas ajiib
4. Daryaw lo qatra yayase misaal sarke yeeça baa  
Qatraa chanum wujuudu lo ammaan manaas ajiib
5. zaahire şoqum jahaanu lo insaan yayas yaqiin  
Insaane esu lo sahkuşe dunyaan manaas ajiib
6. Nuqtaa guçharşe suurate harf, harfe gaçiye bar  
Bare jumla, jumla hikmate Furqaan manaas ajiib
7. Harfuçe uthan alif yaçı Tawhiide Nuqta yeen  
Han Nuure Nuqta aalame diiwaan manaas ajiib
8. Qudrate Qalame ithana te ke Tawhiide Nuqta bim  
Wahdate amalu lo kasrate irkaan manaas ajiib
9. Nuqtaw lo ibdidaç bila nuqtaw lo intihaa  
Nuqtaw lo had ke faasila pinhaan manaas ajiib
10. Nuqtaw lo ruu ke jisme ta'alluq ke ittisaal  
Nuqtaa babar, ziyaada ke nuqsaan manaas ajiib
11. Nuqtamuçe aasmaan ke zamiin kul biman uyoon  
Nuqtamuçe ruwe haralt numa tuufaan manaas ajiib
12. Ine Nuure Nuqta jiiye bares cum ke but asiir  
Izzate Daman şariib ase mihmaan manaas ajiib
13. Maamuur apimu lo amre haqiqat besan bilum?  
Niistii yakal ne "kun" nuse Farmaan manaas ajiib

14. "Kun" qhalq ke amre Nuqta-i Waasite amal bila  
Insaane ruu ke jismu lo ii "Kaan" manaas ajiib
15. Har waqte Nuure Miwa salaas ilme Jiindo Tom  
Paakiiza Kalima hikmate burhaan manaas ajiib
16. "Isbaat, Nafii ke Haq" Sire hikmat buṭan uyum  
Thaanum ğaġan haqaayiqe MIIZAAN manaas ajiib
17. Ruwe daayiraa qaraar api markazu lo til sukuun  
Parkaare goon jahaan eħne hayraan manaas ajiib
18. Ii Ilme Šahr numan ruwe niyamat bagees etas  
Ii hinċe tane tilasmu lo darbaan manaas ajiib
19. Gosu lum butanč uyoon tag'o newruż uyum butan  
Paakiiza butane kufru lo iimaan manaas ajiib
20. Parwardigaar ke jii be haqiqatu lo han bilaa  
Ruwe ma'rifatu lo Wahdate Irfaan manaas ajiib
21. Hikmate qalipu lo taaza mayaam iśqe fuw lo duuy  
Ilmu lo Nasiire muškilin zasaan manaas ajiib

Sule sire čaga

1. Sule sire čaga Nuure haalč! Gosu lo ayoo muu be čap  
Aalamar eer leel manii jaa šugulo muu be čap
2. Jaa-mele puun kam manii saayuwe hiñ tam manii  
Asu lo fuwan lam manii multane oow muu be čap
3. Jaa ase jaryaare thas herćume diwśar hawas  
Aašige jii! Eeyna as taq taq etoo muu be čap
4. Muhime ġataan iñgi khii! Abaše ġuwaa gane garii!  
Jaa sujo Sultaan Alii! Paak sujoo muu be čap
5. Asu lo ġaraas śule sitaar qhošiye basiye naw-bahaar  
Baśrii niqaab daal'e yaar sir čap ayoo muu be čap
6. Aalam uyoonař şasaa sarke le jaa jii fidaa!  
Jil mane waa Nuure Saa! Ayāše Ḱakoo muu be čap
7. Yaari achi le hiriye hiir! Hikmate daanaa waziir  
Waqte Ali Dast-Giir punare batoo muu be čap
8. Atre uyam nas Alii! Dardih uyoonař milii!  
Une gane mii jii ġarii bes açuçoo muu be čap
9. Seer malaq eerum jawaan! Paalwayo gum paalwaan!  
Siṅgemuč uḡisum Damaan! Bes huruṭoo muu be čap
10. Khot be siran jaane čaar Aliye sifate muk garaar  
Čhoor zu Nasiir qhaak-saar muk uyagoo muu be čap

### Jiiye alcine Gari

1. Jiiye alcine gari Alii ḡaybaana yeeċiṣ qhaa sa-thap  
In śasaa Mawlaa yakal as phar ne hercume baa sa-thap
2. Ase bariñe daanaa je goyarume imtihaan gay baa beyam?  
Biiqaraariye fuw lo jaa jii! As kabaab aaċaa sa-thap
3. Waqte Mawlaa śule uyamkuş bes le thum-daa fat ne baa  
Jii niba te niş une uyam śul as ćum oo niş naa sa-thap
4. Naq jafaamiñe saa be bijaṭey til balaamiñe thape be ar  
Ism-i A'zame Zulfiqaar, bila jaa raçar aa kaa sa-thap
5. Diin ke dunyaa haqe Daman une Kheene Mawlaa yeen le bas  
Gos ke ruwe ichlaase kaa sen yaa Alii Mawlaa sa-thap
6. Jaa Alii Muškil-Kuśaa Aadil Śahinśaa ḡoor diya  
Til kaċaariye qhanjaran nuka pheero dunyaa gaa sa-thap
7. Jaa rañilo giyumaaro asqur ɖuun ke as ćum iiş apaa  
Buṭ uyam nirekaaṭo heenan say bi ase baajaa sa-thap
8. Čarċi ni le Rahmate Damaan! Une hiñ če bişkiy bay Nasiir  
Une şasaayiye esa ne bay naa waa şasaa yeesaa sa-thap

Aasiqaañ Mawlaa Tajallaa

1. Aasiqaañ Mawlaa Tajallaa rāñ barāñ diidaare mast  
Aarifaan ine Nuure Wahdate ma'rifate israare mast
2. Usko Nuuriñ: jisme, jiiye, aqle dooqurkin muriid  
Nuure Mawlaanaa Kariime jilwamiñe anwaare mast
3. Beske fawtan oor apim ḡħane jiindo bam Rahmaane qhalq  
Diin ke dunyaa ayse niyamate ċhaa bilum surayaare mast
4. Tok ke fuk har ċiiz uyoon Rahmat ke Ilmu lo yayas ajab  
Aqle sis har ċiize hikmate ruwe uyam afkaare mast
5. Husne iqliimiñe Sahinšaa iṣqe jaryaar buṭ uyam  
Nuure diidaariñe umiidi lo baa je śule jaryaare mast
6. Ma'rifate sise osu lo Mawlaa iṣqe jannate sayl eċċaan  
Rañ barāñ asquriñe daltas nas ke rahe giyumaare mast
7. Nuure paak diidaare gane qhas saas deniñe damjaar ke kam  
Aqle sis diidaare śawqu lo bandagiye damjaare mast
8. Adle qaunuuniñe kitaabu lo qhayr-u śare hikmat ġatan  
Ajab akooġan hikum uyeeċa ke maġfirate baazaare mast
9. Mustafaa jii Murtazaa bay muu Kariim numa Waqt Nuur  
Nuure pardah henaśo sis baan Haydar-i Karraare mast
10. Diine masnade śaan uyum jaa Baadśaa darbaare yaad  
Jaa qhiyaalu lo ċhaa nukan baa jaa Damane darbaare mast
11. Duuste śule biimaari śule sise tandurstii ćum ke yar  
Ine uyam śule zindagiw lo baa je śule galisaare mast
12. Jannat al-firdawse sis har qisme niyamate norşa baan  
Nuure aasiq bamiso diidaariñ uyam jaa Yaare mast
13. Diin ke dunyaa qhaas garaz oor leel bilum tawhiide sis  
Nuur Mawlaanaa Kariime, Ruwe saqhiye, Daataare mast

14. Jisme kaa yatisan awaaji fawje kaa sardaar manis  
Fath-u nusrate hol hamiiša Aql-i kul Sardaare mast
15. Wahs-u tayra te paadšaan qhas bam ke eč qhwaariw lo bes  
Ísqe Šaahinšaa kuyooč baan čhanki ſule Sarkaare mast
16. But parast bute ſulu lo mast baan haq parast Islaame mast  
Munkaraan inkaare mast baan moominaan iqraare mast
17. Ruu ke Agla te alta sim bim ee qaraas duutaare heen  
AAšíqaan doyalin umay baan ruwe uyam duutaare mast
18. Ísqe guušaw lum gadaa bay Nuure ſule ſaa'ir Nasiir  
Til qhošiye ruu bask manaas ine gaybe san diidaare mast

## Yaa Alii Sultaan qabuul aa

1. Yaa Alii Sultaan qabuul aa guymo diidaariye buyat!  
Jiiye Mawlaa ase Damaan! Daacan ga jaa zaariye buyat
2. Aasiqiye diiwaana asu lo sule garen numa sah manis  
Yaa Zamaanaa Baadsaa! Manzuur eh naacaariye buyat
3. Sule samandare pheeri makući jiiye dak jaa eeysa baa  
Wagte Nuuh besalar deyaljay beyama jaa yaariye buyat
4. Bii-wafaa dunyaa be asa jaa une uyam sule asa bila  
Une wafaa-daariw lo daspas une wafaa-daariye buyat
5. Duustiye diiwaana darbes daake daltas dagurusaa?  
Dake Damane diiwaanagiw lo daake damdaariye buyat
6. Aasiqiye ranjuur ayeeč ga le umre asqur qhaap manii  
Sule tabiibaantiine Tabiibar isqe ranjuuriye buyat
7. Jublimiine Mawlaa sifat marakeey ne sen marakeey Nasiir!  
Yaa Alii Sultaan qabuul aa guymo diidaariye buyat

Ase taqht une ye žu Mawlaa

1. Ase taqht une ye žu Mawlaa guymo bandaw lo hurut  
Arś-u faršu lo akuyam ase dučhanum haw lo hurut
2. Šulguyewe meski duwal herćume goor žiga qaw ećan  
Moog numan aaw ayetum čap numa mii qaw lo hurut
3. Ose ulćina te guyeečan ke beyam bee ke mahaal  
Jamipar oor qhas aqan naa ase pardaw lo hurut
4. Imtihaan gayme guyeenas ke akuyanas sis čum  
Jisme jaamaw lo hamiiš zaahiri dunyaw lo hurut
5. Nuure suurat numa jismaani libaas fat ne hikan  
Une jamaal aaltiras ise jaa ase eeynaw lo hurut
6. Iſće marakaw lo faqat ſulguyo baan ġayran apay  
Hik niqaab daal ne dukoon une ſule marakaw lo hurut
7. Qatra damjaar ne samandara le niyi ke qhas be ajab  
žu samandaar! Akheşan meeltiri qatraw lo hurut
8. Žu le ſurayaare gučhare kaa ſule malakuute balaas!  
Ruuh numan jisme qafase ban numa bandaw lo hurut
9. Nuure Tawhiide Tajallaa aqle giyumaariñe saa!  
Un guyeenas sise hayrate gane zarraw lo hurut
10. Murda qabrar aki un tiku lo pasoom aašiqe ruu!  
Duuste jismu lo dukuwar ćhaa gane zindaw lo hurut
11. Čalgu bim jočkuší nafs yuušama ašdar taleni  
Gu-kharar sañ ne akaş ašdare birkaw lo hurut
12. Qhuškiya te une be hunar hikmate daryaar gurče  
Nazme muk duy le Nasiir! Ine ſule daryaw lo hurut

Umm al-kitaab ḡaraasu lo

1. Umm al-kitaab ḡaraasu lo aas! Un ḡaraas abas  
Hikmate famol gu-lamači śalaasu lo masaas abas
2. Jaa ruwe balaas! Duwaljume Aršar asiir nukoon  
Waapas matum zamiine falan niič basaas abas
3. Qaalibu lo qayde tañ nima diidaare eski diin  
Une ruuh hamisa herćume bi ke une ḡasaas abas
4. Fuu čum be ar ḡenis ke buri doonke deeġaşı  
Kaaġaze ikee če moon ne ḡasaasar ḡulaas abas
5. Śurayaare rañe, qhošiye nase kaa muu duqhar gulaab!  
Hole duu bahaare kheenu lo ḡunčaa libaas abas
6. Goor leel bilaa Qhudaaye Nabiye ilme śahre Hin?  
Qhas hena ke Śahre gan hiňa čum far manaas abas
7. Teey Rahmatiñe Qhudaayane paydaa no nuušanin  
Duuzaqhu lo kхиiruman sise jiimiň diraas abas
8. Til aqle ḡaga te la'lin eśaljaa sisar saqhii!  
Haywaan haraňu lo qhas kuli la'lin śalaas abas
9. Ine śule Tuhuure qhamare asar čum apam mayaam  
In asu lo aar ḡanii ke je dunyaar ḡanaas abas
10. Qhaamuúš Nasiir! Jalaale Damane ḡaga te samba oo  
Une jiiye jii ḡaraasu lo un guy ḡaraas abas

Nuure Mawlaa tajallaa

1. Nuure Mawlaa tajallaa ḡaybe diidaarar muhtaaej  
Na je śurayaarar muhtaaej na je jaryaarar muhtaaej
2. Diin ke dunyaate muhtaaej qhas beśal kuli je apaa  
Ase dunyaw lo je baa iśqe Sarkaarar muhtaaej
3. Iśqe śurayaare baseñ asu lo aabaad bica jaar  
Na je dunyaa baseñar na je gulzaarar muhtaaej
4. Ase dunyaatu lo Ɂhaa aqle darbaaru lo baa  
Na je dunyaa marakaar na je darbaarar muhtaaej
5. Gayranar daćanum apaa je inee in jaa bay  
Diin ke dunyaatu lo Ɂhaa yaar manaas Yaarar muhtaaej
6. Huur-u gilmaan-u parii malak-u jinn-u baśar  
Nuure ma'śuuqe safaa ḡaybe diidaarar muhtaaej
7. Qhas menan bay apaman diin-u dunyaw lo hamiis  
Iśqe dunyaa śahinśaa śule śurayaarar muhtaaej
8. zu le zu le aaśiqe jii! Je une diidaarar armaan  
Leekin une Nuure Jamaal śule qhariidaarar muhtaaej
9. Aaśiq une guskile diidaare tajallaar armaan  
Aarif um guyeenasar ḡaybe israarar muhtaaej
10. Gos ke jii Nuure Damane Iśqu lo Ɂhoor gaş,e le Nasiir!  
Je jahaan fat ne faqat ine śule baazaarar muhtaaej

**Nuure Damane yalu lo baan**

---

1. Nuure Damane yalu lo baan  
Diine Šahinśaa kuyooć  
Har hin ikhare paadśaan  
Diine Šahinśaa kuyooć
2. Qhas api oor qhawf ke ḡam  
in uwe bay uwe be kam  
kawn-u makaanu lo ḫiqam  
Diine Šahinsaa kuyooc
3. Yeenase taajin ganin  
aqle qhiraajin ganin  
Hikmate baajin ganin  
Diine Šahinśaa kuyooć
4. Aqle ta'aam maar tayaar  
ilme famol maar garaar  
Diimiya bee Naamdaar  
Diine Šahinśaa kuyooć
5. Aliye zuhuur yeečuman  
Ahmade Nuur yeečuman  
Jilwañe Tuur yeečuman  
Diine Šahinśaa kuyooć
6. Waqtē Aliye Nuure raś  
malćine niičin ayaś  
Faş manimi le maa abaś  
Diine Sahinsaa kuyooć
7. Aliye mubaarake ičhar  
ruuh diwaras nuure bar  
damayaluman sar basar  
Diine Šahinśaa kuyooć
8. Nuure nazar balimi maar  
iśqe asar manimi maar  
Rahmate fayz basimi maar  
Diine Šahinśaa kuyooć

9. Deyaliya maa śule du'aa  
diimiya maa ine Şaşa  
Manimiya maa ruuh safaa  
Diine Śahinśaa kuyooć

10. Diimi le giyumaare kaa  
huruṭimi śurayaare kaa  
Śul bila śule baare kaa  
Diine Śahinśaa kuyooć

11. Nuure Sa kursiya ṭe bam  
bijli juwan lām qaram  
Nuure ičhar buṭ uym  
Diine Śahinśaa kuyooć

12. Iṣqe biyaymiñe tabiib  
mapaći žuwas buṭ ajiib  
Bamiśo mayoon qhoś nasiib  
Diine Śahinśaa kuyooć

13. Qawme qhošiye tarjumaan  
meeymi Nasiir qhoś-bayaan  
Śul ke aqidaa zabaan  
Diine Śahinśaa kuyooć

Hin sujuwane suuratu lo

1. Hin sujuwane suuratu lo hamii's sarke manaas ruuh  
Nuuraani jahaanannuma jaa asu lo ganaas ruuh
2. Un Awwal-u Aaqhir le mudaam Zaahir-u Baatin  
Un Hin numa baa uyoon henas uyoon manaas ruuh
3. Dihqaan numa guy hikmate miivaa hawasu lo baa  
Guy basi numa guy tom numa guy miiva ſalaas ruuh
4. Guy ſun numa guy geeyin numa guy saan akheſan gaa!  
Guy mel numa saaqii numa guy baada minaas ruuh
5. Guy arſu lo bam heenin uyam sujo balasan baa  
Guy kooſiſe panjaa te diſar yaſne masaas ruuh
6. Gaazii numa dugucaa le hikan kaafire laſkar  
Hik diine ſahiidannuma multanu lo giraas ruuh
7. Asmaanihe malakuutu lo saylaana duwaljaa  
Insaane katu lo qhoſ ne dukoon tika te basaas ruuh
8. Aasiq numa diidaarihe armaanu lo hercaa  
Ma'ſuuq numa daltaskuse ſurayaare gasaas ruuh  
Sule fuw lo Nasiir! ruuh iſgula te doon ke duqharci  
Amu lum dakhilan chaa gane ſule fuw lo gulaas ruuh

Une śule fu asar balis

1. Une śule fu asar balis le Gul-ruugh!  
Jaa jii ke adim če čhis le Gul-ruugh!
2. Lak kawnine hik manii ke jaa ruuh  
Une ǵanu lo uyoon dimiš le Gul-ruugh!
3. Śule oow numā duusin akine multan  
Darwiši libaas ǵiris le Gul-ruugh!
4. Un zinda bihiſte aqle tom baa  
Jaar aqle famol śališ le Gul-ruugh!
5. Une Nuure jamaal-u husne suurat  
Ase aeeyna lo aar ǵaniš le Gul-ruugh!
6. Une iſqe kamaale Aab-i kawsar  
Jaa jiiye mudaam minis le Gul-ruugh!
7. Une jilwaine rañ baraň bahaar niic  
Jaa daal manum as basis le Gul-ruugh!
8. Jaa aqle daǵuy bim as guyalče  
Śule fuw lo uyam diris le Gul-ruugh!
9. Une hikmate Nuure Yaade bar cūm  
Thum yaadan asar akiš le Gul-ruugh!
10. Lak heeſi duwar Nasiire khot jii  
Une ǵanu lo fidaa manis le Gul-ruugh!

## Muu una le bişkiyam

1. Muu una le bişkiyam je gadaa Yaa Alii Madad  
Un baa hamiişa jiiye şasaa Yaa Alii Madad
2. Dunyaate şam ke fikriñe as Ქaw Ქuṭan manii  
As čum huluulin eeri safaa Yaa Alii Madad
3. Jaa jeymo nafse zulmine faryaad le jiiye jii!  
Jaa qaw besal ke zaaya' ayaa Yaa Alii Madad
4. Jaa as ke jiiye haajate şan baa le Paadśaa!  
But ḡhor ḡabuul'e jiiye du'aa Yaa Alii Madad
5. Un ruumučar tabiib le un osumučar dawza!  
Şulguyuwe jiiye ranje şafaa Yaa Alii Madad
6. Čhoor žu le Qhudaaye Nuur! Gariib as Ქuṭan manii  
Jaa asu lo jil manaa' ye şanaa' Yaa Alii Madad
7. Dunyaa ke diine aqle şasaa iṣqe Paadśaa  
Qurbaan amanşa naa je gadaa Yaa Alii Madad
8. Une şule qhiyaale jannate şurayeeše gane Saqhii!  
Armaane kaa amanşa fidaa Yaa Alii Madad
9. Ruuhaani zindagiye gane ruuzaana herča baa  
Altuliki zindagiye be wafaa Yaa Alii Madad
10. Diidaare şawqe fuw lo darin baa le jiiye jii!  
Jaa ruuh imani bi iṣqe fanaa Yaa Alii Madad
11. Jaa muškiliñ dişun žu le Muškil-kuşaa Alii!  
Une guymo Nuure hikmate kaa Yaa Alii Madad
12. Dunyaa ke diine Vuure Daman kheene Murtazaa  
Ya'nii Kariim guguy numa baa Yaa Alii Madad

13. Un čum bağayr je mena le nićam bişkiyar Sağhi!
- Une haa le daaya baa je gadaa Yaa Alii Madad
14. Une iśqe ganu lo oowe mukik domiyas aamayam
- Mawlaa agar gumana ke rizaa Yaa Alii Madad
15. Daltaško śule ġunoyk ujalam ase zamiine ćhaa
- Śule asquriń duqharći thalaa Yaa Alii Madad
16. Čaflate ġuwaw lo dah će ni baan naa muriid miyoond
- Meer rahm eh naa le jiiye Babaa Yaa Alii Madad
17. Un Zikre Nuur manaa ke beyam be ke muškilan
- Un apači baa je une šan apaa Yaa Alii Madad
18. Une Nuure śule asaru lo Nasirrar fanaa ičhi
- Une śule fanaw lo jiiye baqaa Yaa Alii Madad

## Jannate uyamîn

1. Jannate uyamîn cûm une diidaar uyam jaar  
Surayeeśin uyoon cûm une surayaar uyam jaar
2. Surayeeśine Surayeeś bila chane une şule jaryaar  
Jaa asu lo bilum une şule jaryaar uyam jaar
3. Khot rañ rañe dunyaw lo be daldaško apaana  
Daltaškuwe Daltas şule Sarkaar uyam jaar
4. Altulikiye duustiye gane daanaa atećay bay  
Çhaa wafaa žuwas Yaar-i Wafaa-daar uyam jaar
5. Ine iśqe ǵatenç asu lo yayas jaa ruwe surayaar  
Jaa şul uyame ǵhanjare aazaar uyam jaar
6. Ine Rahmate Farmaan dayalas jaa ase alćin  
Jaa zindagiyar ase qhoşiyar taar uyam jaar
7. Dunyaa ke qiyaamate uyamîn beske akooğan  
Diidzaariń uyam ćağamîn uyam yaar uyam jaar
8. Sultaan hurutum majlise parwaara amansa  
Jaa jiiye Damane Rahmate darbaar uyam jaar
9. Saas heesi fidaa une gane jaa as ke uyam jii  
Qurbaan amanas une gane sad baar uyam jaar
10. Ruuhaani mazan una le bičan iśqe Şahinśaa!  
Jaa apaći biman cûm şule baazaar uyam jaar
11. Sultaan Şahinśaa, Nasiir ine ćonoňuwe ćon  
Leekin şule bar wahdate israar uyam jaar

## Hin Qhudaaye Nuur

1. Hin Qhudaaye Nuur Alii Sultaane sul giyi ke asar  
Jaar haqiqate sirkuyañ ćum sar basar meeymi qhabar
2. une makaan bila Laa-makaanu lo qhaas Qhudaaye Nuure Baaz  
Aqle imkaan bela te meeymi un ce yaş sifatan seyar
3. Hik nicaaban daal eh guskil ćum Qhudaaye Aayinaa!  
Taa tamaam dunyaw lo meeymi un guyeesar şoor-u şar
4. In Saqhiye je juwan gadaa kaa duusti etase dak bila  
bam  
Asu lo, ſurayaare ſułukoo! Ine qhošiw lo muu duğhar
5. Aasiqaantiñe zindagii! Un aarifaantiñe ose qhošii!  
Une şule ćağamini senas jaa jiiye qaymat ćum ke yar
6. Asu lo senase waqt api muu diw Alii Mawlaa seyam  
Jaa Şahinśaa adle waqtu lo ćhane ćaraas ćum muu be ar
7. Qhaas Alii Sultaane şule gane muu hawas qhas baa ke aas!  
Ine şule fuwa te supandure goon numan esqul gukhar
8. Ğaybe sirmiñ sarke etasar Ii-ćaraas Qur'aan maniş  
Ee-ćaras Qur'aan uyoonu lo ine sifat bila sar basar
9. Mustafaa Mi'raaje Thapu lo qhaas Qhudaa oośin nibam  
Ğaybe pardaa ćum be deyalam Hazrat-i Mawlaa ičhar
10. Ma'rifate daryaa ćutumu lum hanuman un paakiiza mook!  
Un guyeeča se şawqu lo baan but aqlcayo dar badar
11. Diin ke dunyaa Paadśaa une Rahmatar but dawaranam  
ke  
As jii una ćum fidaa zu le jiiye jii! Ase taqta tar
12. Işçe daftar şule nukorşan sar basar aqatan Nasiir!  
Aaqilar han bar awaaji baaqi ćaşa bas muqtasar

Mawlaa mačhičay Diidaar

1. Mawlaa mačhičay diidaar diidaare mubaarak maar  
Šulguyo mamanin šurayaar šurayaare mubaarak maar
2. Ruwe Saa ičhaqare sah čum čhane Hunzu lo sah meeymi  
Mayarum watanu lo giyumaar giyumaare mubaarak maar
3. Ine Rahmate Darbaarar šulguyuwe buťan armaan  
Maa mulku lo ii darbaar darbaare mubaarak maar
4. Mase taara te eer qaw etaan fii al-fawr Daman deyalay  
Manzuur manimiya? Mase taar mase taare mubaarak maar
5. Maa yaariye gane žuci muu maa aqle durowe Ustaad  
Har disu lo Alii maa yaare mubaarak maar
6. Ruuhaani juware laškaar! Šurayees mamanin diya muu  
Ruuhaani juware Karraar Karraare mubaarak maar
7. Maa Nuure Daman sarke dunyaatu lo buť mašhuur  
Maa kheen ke zamaana čaar maa čaare mubaarak maar
8. Sujo Diine Šahinšaa bay diidaarin uyam Ma'šuuq  
Rahmatiñe Saqhií Sarkaар Sarkaare mubaarak maar
9. Ine Rahmate Farmaaniñ til aqliñe ya'guutin  
Daanaa sise gane israar israare mubaarak maar
10. Jimdeen ke ye khine maa bay muu malćine kaa yeečin  
Tok meeymi azale iqraar iqraare mubaarak maar
11. Ruuhaani bahaar diimi šulguyo dučharin nesalin  
Buť žiga dučhanum mas thaar mas thaare mubaarak maar
12. Nuuraani Katu lo Mawlaa une aqle nazare yeesi  
Čhane Nuure Kariim Daataar Daataare mubaarak maar
13. Čap bee le Nasiir! Šurayaar ine šule sis uyocnar sen  
Mawlaa mačhičay diidaar diidaare mubaarak maar

Note: Walti lum baytu lo "fii al-fawr" filfawr gatanas maniš.

Básare kamaale hadu lo

1. Básare kamaale hadu lo yeeč qhudaaye Nuure Zuhuur  
Hamiiša Haazir-u Naazir Qhudaaye hikmate Nuur
2. Yaqiin eh Haazir Imaam bay Qhudaaye Wahdate Nuur  
Zamaana diimi esal aalamar manii mašhuur
3. Ayás ke birdiyé sañ ruuh ke jisme ſaahinſaad  
Qhudaaye jilwañe nuuraani eeyna yeen le zaruur
4. Jalaale baypaše hińcar ḡariib ayaamaya baa  
Qadam pasoom aye surkew lo nire guman le Huzuur!
5. Ğanaa le jaa ase asquriñe baäge nuure bahaar!  
Bihiſte daltas uyam nasañe čhaa bilum asqur!
6. Kariime Rahmate diidaare gane ḡariib numa her  
Gariibe herſe du'aa meeymi in şasaar manzur
7. Beſal ke jisme tabiib ase ilaaџ ayeemay bay  
Ilaaj eh iſqe tabiib! Aſ,guymo ſule ranjuur
8. Nabiitiňar numa dunyaw lo aqle Nuure Waziir  
Du kawne ſaahinſaa! Nuure husne jaa Guſpuur!
9. Nabii, walii ke buzurg une muhibbatar muhtaaџ  
Qhudaaye thaayko sifaatiň uyoone una le zuhuur
10. Jalaale Nuure tajallaa jamaale jilwa akhes  
Ye bas bihiſte nazaaran ſaraab-u huur-u qusuur
11. Nasiire iſqe kitaab aalamar fareeš meeymi  
Saruuše ḡaybe jaħaan čum qhabar su way le sabuur

Mawlaa goyarum bay ke

1. Mawlaa goyarum bay ke zu Mawlaa til akooli  
ine Rahmate gane her  
  
Aaqaa goyarum bay ke zu Aaqaa til akooli  
ruwe dawlate gane her
2. Gose eeyna safaa bela te ke bee herşa te meeymi  
ine isqu lo buṭ her  
  
Diidaare Damane Hikmate Daanaa til akooli  
sule hikmate gane her
3. Sultaan azal cum ruwe daryaa-i muhiit bay  
un baa ine qatraan  
  
Daryaar gi zu qatraa! Ruwe daryaa til akooli  
ruwe izzate gane her
4. Ruwe asli watan Aalam-i Ulwii bila aaśiiq!  
Dunyaa ruwe zindaan  
  
Surayeeše watane Aalam-i Baalaa til akooli  
qayd cum fate gane her
5. Sule fuw lo kabaab baake mubaarak ni ie aaśiiq!  
diidaare umiid oo  
  
Ma'ssuqe uyam yaade waziifaa til akooli  
ine safqate gane her
6. Ruuhaani Tabiibar be ajab une ruwe warčin  
Sultaan tabiib bay  
  
Une kheen ke zamaanaa ruwe Iisaa til akooli  
ruwe raahate gane her

7. Ismin ke libaasiñ ayesal Wahdate Nuur hen  
 dunyaw lo hamiiñ bay  
 Saas ismiñe Hin Nuure Musammaa til akooli  
 ine qurbate gane her
8. Nuuraani Katu lo gopaçi hamiiñ bay une eeyşaa  
 jaryaar akumay baa  
 Gose gulćine sañ bay ruwe biinaa til akooli  
 yeeča se Kate gane her
9. Dunyaan gu-đima te goor bila afsuus une eeyşaa  
 gulćin atumarcaa  
 Une gosu lo bilum saňkuše dunyaa til akooli  
 ruwe jannate gane her
10. Šurayeeše baseñ gosu lo nukan sayl ayetas gaa  
 armaan akumay baa!  
 Til aqline tome hikmate miiwaa til akooli  
 ruwe niyamate gane her
11. Čham goor qaw ećay gopaçi bay un gultumal eeri  
 beşalar dukoyaljaa  
 Une jiiw lo bám ine Rahmate Guuyaa til akooli  
 şule aadate gane her
12. Diidaariñe kheen zaaya' manaas hen ruwe ćam yeeć  
 bes jaak akumay baa  
 Diidaariñe řurayeeše tamašaa til akooli  
 ruwe ziinate gane her
13. Sultaan Saghiye şulu lo heras naamos ičhay baa  
 qhas aasiq apas qheer  
 Payğambare Awlaade tawallaa til akooli  
 uwe ulfate gane her

14. Qaaliñe minašin fat<sup>ne</sup> zu ine iſqe sabaq gan  
 ruwe hikmate sir hen  
 Šurayeešine ruwe iſqe firiſtaa til akooli  
 ruwe haalate gane her
15. Ma'ſuuqe uyam yaade badal taaza ruwan yan  
 hey baa ke iſaaraan  
 Jii hercume duus faſ numa niſ qhaa til akooli  
 ruwe qaymate gane her
16. Šule ſartin uyoon dečana ke gor sarke ğanaas bay  
 bas naa gose armaan  
 Kawnayne hasiinaane Šahinsaa til akooli  
 gose himmate gane her
17. Dunyaate qhimooriñ bicuman khata khata til gool  
 ruuhaani mazan hen  
 Šurayeešin uyoon ele biča uqbaa til akooli  
 ruwe lizzate gane her
18. Rahmate mamu une aqle giyaas heri ke yačay naa  
 hen aalame qaunuun  
 Ine Rahmate gane aqle bahaanaa til akooli  
 ſule barkate gane her
19. Ma'ſuuq Nasirrar numa bay zinda pureelo  
 ruwe Burguwe sir hen  
 Šurayeeše firiſtaa ruwe baajaa til akooli  
 ruwe harkate gane her

Nuuru lo til ma'jizah

MEY PASOOG AYEE UND MUSLIM AL-MASAH MILAANAH

1. Nuuru lo til ma'jizah Nuuru lo Rahmaane raaz  
Nuure Daman ḍum henam Hikmate Qur'aane raaz
2. Nuure Mahale sirkuyañ qhaas sise hey baan faqat  
Suñu lo gadaanar be leel Sirkuse Sultaane raaz
3. Saynse hunare galgi ne duwal halançar niçaan  
Leekin akhey baan uwee jaa ase jaanaane raaz
4. Isqe fanaa ma'jizaa men jamipar čaşa aye  
Deew besal hey biya Taqht-i Sulaymaane raaz
5. Gosu lo Aliye martabaa raaziñe birkis ne oo  
Bes le pasoom sarke neh jaa Sah-i Mardaane raaz
6. Nuure qhabar bam basar bay le qhudaawande raaz  
Izzate Parwardigaar hazrat-i insaane raaz
7. Yeena ke Qur'aane čheey Nuure Qhazaanaar giçaa  
Amre Daman bay Imaam yeesuma Farmaane raaz
8. Baatine gulčin fuṭ eh Nuure tamaašan esal  
Kaſfe kitaabu lo ḡatan waqte Aliye ſaane raaz
9. Mene ke akhey baan le jii! Un hine hey baa faqat  
Jaa ſule ſurayaare bar jaa ase armaane raaz
10. Nuure hidaayat ganin Nuure Daman sarke bay  
Aayah-i nuur ḍum henin maayah-i iimaane raaz
11. Waqte firistaan numa Aadamar eer sijda eh  
ke  
Gosu lo balas baayun suurat-i Rahmaane raaz
12. Ma'rifatu lo mii Nasiir muu imanay kaamyaab  
Isqe ſaraabu lo bilum Wahdate Irfaane raaz

## Dunyaa ke qiyaaamate gane

1. Dunyaa ke qiyaaamate gane jaryaar ne akhar bes  
Har dišu lo Madad-gaar Alii bay ke je ar bes
2. Bii-hera te ayaar zindagi zu le aašiqe giyumaar!  
Jaa asu lo guyak gan le je dunyaw lo kakar bes
3. Insaane katu lo čap mane waa jaa ase gušpuur!  
Une šule Šan apam sisar darak bes -le qhabar bes
4. Sultaan Muhammad numma jaar muu ke Alii bay  
Jaa čhanki Alii bay ke je ġaltenki nuqar bes
5. Ine šule ne je bam baa agar beeke apam baa  
Mawlaa je ayeešay ke musoo bes le dukhar bes
6. Dunyaa ġaripis čum atumar beske atuuši  
Jaa waqtē Sagħi fat ne je thum thaane magar bes
7. Ine išqe basah alji giyas qoom biċa kuli jaar  
Diidaare qhoši ayar bila le aljine phar bes
8. Muu išqe burġuwe ičhar dayal ruuh dušawarci  
Surayeeše Israafiil baċan če jeymo ačhar bes
9. Muu qhošiye hiñayn doonimi jaar išqe firistaa  
Ase arkuş uyoon ni bila ke muu thi ke thi dadar bes
10. Čhana nii le Nasiir! Hikmat uyoon šulu lo bilaa nii!  
Ine šul akhenas sis opači hikmate bar bes

## Hazrat-i Sultaane

1. Hazrat-i Sultaane śulu lo jaa uyam jii gaş maniș  
Ine sifat ke madah ǵatayma te jaa umr ii faş maniș
2. Une sifate daryaa ǵutumu lum śule mukik duysar hawas  
Une madad yaarri numan khot jaa aql ǵurçaş maniș
3. Mesmilas dunyaa uyóonu lo tama' samandar hik bila  
Guymo Rahmate kiſti diço jaar une nazare jaar baş maniș
4. Je gadaa un Paadśaa kaa gaťi huruṭa se rasm api  
Jaa ase thaan mene ke eeyśaan un huruṭa sar yaş maniș
5. Alto dunyaatiń uyoonu lo mima te une qhaas yal maniș  
Une sifat mii buṭ qhoś asqur duşmanar qhas ćhaş maniș
6. Tawba une iśqe ǵaliis baa warc ayamanişa tawba naa  
Buṭ uyam umran gučharćila doon ke jaar jarmaş maniș
7. Jaa qalam une śawqe ǵanu lo iimo iskila te gučharş  
Une qhiyal ćum thum qhiyalan ase waraq ćum qhaş maniș
8. Hirkuşar qhas jaa Imaame Zul-figaar nuka duusi ke  
Kull-i aäläm faq numan qhas hin hiran kuli khaş maniș
9. Qhas qiyaamat daldiyęs sen une laman jaa fat ne baa  
Jaa ariiń qhas fat manii ke une gatenç jaa aş maniș
10. Marhabaa gose dañ Nasiirar une du'aa aamiin maniș  
Hazrat-i Sultaane śulu lo une uyam jii gaş maniș

## Yaa Rab qabuul mee

1. Yaa Rab qabuul mee mii du'aa meyarum watan aabaad manis!  
Dunyaa uyoonar un Şaşa meyarum watan aabaad manis!
2. Kul qawme mesumuč han numan iimaane şartin čhan numan  
Yaarqiše jaħar palṭan numan meyarum watan aabaad manis!
3. Islaame tehtar şarko čhan leekin gamun yeeċ han iħchan  
Firqan uyoonu lo kalima han meyarum watan aabaad manis!
4. Mawlaa qadam mulkar baliş! In ċum mimar barkat basis!  
Takliif uyoon ċhoor daal manis! Meyarum watan aabaad manis!
5. Tik, čil, ke tiş, fuwe barkatin ġarusiş ayaś ċum rahmatin!  
zaahir ke baatine dawlatin meyarum watan aabaad manis!
6. Taśriife giyumaarin numan diidaare surayaarin numan  
Ruwe la'le baazaarin numan meyarum watan aabaad manis!
7. Un Rahmat'e le Thaanum Damaan! Mii mulk manis muu buť ſuwaan!  
Firċaws juwan surayeeše kaan meyarum watan aabaad manis!
8. Hunzu lo Imaamate Nuure sañ ruumuče Damane sirmiñ faṭan  
Dunyaa uyoon muu meeymi sañ meyarum watan aabaad manis!
9. Mulkar du'aamin sen Nasiir! Aqlihe Şaşa hiñ ċum faqiir!  
"Ay Baadšaah-i Biiwaziir! Meyarum watan aabaad manis!"

## Gučharas sarw

1. Gučharas Sarwe gu-đime jaa Მe hamiiś saaya maniś!  
Une gu-čhoňu lum tike jaa alćumučar surma maniś!
2. Iśqe ruuh asu lo apim zindagi jaa mawt ičhanam  
Iśqe Iisaa dame jaa murda bim as zinda maniś!
3. Agle sise Ka'ba' judaa, daa iśqe sise Qibla Qhudaa  
Una le bay un gu-yakal jaa ase qhaas Qibla maniś!
4. Diin ke dunyaate qhošiye qaymati jaa zindagi Მok  
Une uyam iśqe qhariidaariye sarmaaya maniś!
5. Iśqe burğuw lo fanaa heen dusu žu le Israafiil!  
Jaar fanaa eeše uyam ruwe basa paayinda maniś!
6. Thos gulaaban duqharin husnu lo mağruur imani  
Raň ke nase une yom apime leel nima šarminda maniś!
7. Asu lo čap numa huruťas goyarum inee! Asar gi žu  
Çhaa unar laayiq api ke duuň kuli as une ha maniś!
8. Sarke un Saajuwe diidaare uyamkuše be athak  
Baatiniye husne tamaašaar ase aayiina maniś!
9. Thap ke thap jaar sa ke thap jil mane žu le jaa ase saa!  
Ase dunyaw lo hamiiś Nuure Gu-yaariye Sa maniś!
10. Mast-u aazaad Nasiir ilme uyam dawlate kaa  
Iśqe jañe bandi niwal gaş nima goor banda maniś!

## Nuure Daman yeena baa

1. Nuure Daman yeena baa qhawf nimi ǵam ćum qhalaas  
Asu lo Bam Ine yeeča baa bam ke apam ćum qhalaas
2. Kasrate gan faş manii wahdate manzil diya  
Aarife nuuraani es fikre qadam ćum qhalaas
3. Asu lo niqaab daal etay jaa duṭan as sañ manii  
Sarke mānum ćum je baa ǵam ke alam ćum qhalaas
4. As śule śurayaare mast jii ine diidaare mast  
Ruuh ine Anwaare mast jey ruwe ćham ćum qhalaas
5. Moomine ese Arśu lo Nuure Daman bay mudaam  
Gos bi ke Rahmaane Arś koošíše dam ćum qhalaas
6. Jehle jahannam fat eh, ilme bihiistar gi zu  
Ilme Daman yeena ṭe duuzaqhe qam ćum qhalaas
7. Hikmate Qur'aan ǵatan Deew-i Rajiim deskaśar  
Raće Damana le ćhoor nukoon epaći dağam ćum qhalaas
8. Nafse bağark huk ifus beke kaćaar duuşı goor  
Hukmu lo bim huke daman bay huke ǵam ćum qhalaas
9. Asu lo akuyaćam le yaar! Yarne je ǵamgiin bayam  
Asu lo guyam ćum je baa ǵam ke sitam ćum qhalaas
10. Yeenuma yeenas Daman ma'rifatu lo zinda baa  
Manuma mubaarak Nasiir! Jehle adam ćum qhalaas

Qhudaaye Nuure jilwaa čum

1. Qhudaye Nuure jilwaa čum maniš hik heesi aalam sañ  
Qhudaa čum bii-qbabar dunyaa imaymi Nuure ras čum sañ
2. Qhudaaye Diine Khan čum ḡayr amaan oomaymi insaanar  
Muhammade Aal yakal čum meeymi chor ḡaybaana ruumuče jan
3. Duwal Yaajuuj ke Maajuuj duus lakan hin sis ce beljaan naa  
Fukań numa jisme hik meeyman uyoon yakbaar umayman tań
4. Je dayalam Suur-i Israafil pureeluwe ma'jizaa heenan  
Qiyaamate gon duwarilaa qheer ye muu daalin le eerin dan
5. Qiyaamate qhaas alaamat: muu halanc niin saw lo čap meeymi  
Halanc muu tok iğunjam čum manaas bila muuto dunyaa tań
6. Matum tuufaane qhurcu lo han jahaanan ṭaw-duṭan meeymi  
Qiyaamate tisqanan diinin zamiinan meeymi zaaraa lań
7. Kaliim-Allah juwan muu waa zamaanaa! "RABBI ARINI" sen  
Zamiin ke aasmaan meeymi Tajallaa Tuure Jilwaa sañ
8. Akhes hin baag-baanen diin biyaabaanu lo baseń diwsi  
Zamiin jannat ce yom meeymi dugharci asquriń sad ran
9. žuwas bila amne waqtan muu zamiina te bamišo han meeyman  
Uyoon surayaar umayman hin sisan kuli eemaniš naa tań
10. Šahinśaa Nuure Rahmat čum qhabar niin kul haqiqat čum  
Haqiqate eeyna mas mooway ayoosin mas ce kiinaa zań
11. Agar maa ilme asmaanar nićar armaan mamay baan ke  
Qhudaaye Nuure Gašku lo muu damaanin gati lo duunin dan
12. Be ḡam dunyaate nań čum qhas mathan daayam ke daayam muu  
Maniš jaa asu lo yaa Mawlaa! Hamiisa diine baaraa nań  
lo
13. Nasiir! Jaa asu/nuuran diin ajab haalan ajab raazan  
Ajaayib ma'jizan yecčam Imaame Nuure Saa jilwah

Jamip siis!

1. Jamip siis! Ni le Alii Haydar be goor leel  
Zamaanaa Qhwajah-i Qanbar be goor leel
2. Salaamate dak bes oošaa waa guwaalum!  
Salaamate gan henas Rahbar be goor leel
3. Nukuuyin čhile gane armaane dasu lo  
Dukuwašuma Saaqiy-i Kawsar be goor leel
4. Qiyaamate astamar un mena le nićuma?  
Be goor leel Qaaziy-i Mahśar be goor leel
5. Holik buť baan magar afsar aqayćay  
Alii bay mii hole afsar be goor leel
6. Duwaśayan une gane Yaajuuj ke Maajuuj  
Ye ni le muu waqte Iskandar be goor leel
7. Qhudaa yeenas be goomay baa le bii-heer!  
Duğaruśar Aal-i Payğambar be goor leel
8. Gu-khar purayeeś nukooman baa le dunyaa!  
Uyoonar Saajo bam Liidar be goor leel
9. Qhudaaye Nuure Sirmih amu lo heyma  
Ye ni muu Hin Qhudaa Mazhar be goor leel
10. Tariigate ganu lo une doy čay akhey baa  
Nasiiruddiine asu lum bar be goor leel

Waa jiiye jiiye Yaar!

1. Waa jiiye jiiye yaar! Ta'ziime kaa salaam  
Waa ase basiye bahaar! Ta'ziime kaa salaam
2. Parwardigaare Nuur! Nuurihe Zuhuure Tuur!  
Til Ma'jizahe Huzuur! Ta'ziime kaa salaam
3. Waa jaa Şaşaa Imaam! Waa un hamiişa Baam!  
Un baa ke baan tamaam ta'ziime kaa salaam
4. Jaa Baadśaar senin jaa Rahnumaar senin  
Jaa ruwe Babaar senin ta'ziime kaa salaam
5. Ruwe Haydarar maniş ſule Afsarar maniş  
Mese Rahbarar maniş ta'ziime kaa salaam
6. Hikmate, agle Kaan! Rahmate ke mehre Šaan!  
Dunyaa ke diine Jaan! Ta'ziime kaa salaam
7. Mimyoone jiiye Jii! Šulguyuwe mese Garii!  
Mii dardiñar Milii! Ta'ziime kaa salaam
8. Un Aal-i Mustafaa Awlaad-i Murtazaa  
Waa diine Nuure Saa! Ta'ziime kaa salaam
9. Sultaane Jaa-našiin! Sardaar-i moominiin!  
Jaa jiiye Naazniin! Ta'ziime kaa salaam
10. Israare bazme Saañ! Anwaare baäge Raañ!  
Firdawse Zinda Thaañ! Ta'ziime kaa salaam
11. Iimaan ke ilme Buul! Šulguyuwe čhanki Šuul!  
But čhor maniş qabuul! Ta'ziime kaa salaam
12. Muusaa ke Tuure Raaz! Qur'aan ke Nuure Raaz!  
Huur-u Qusuure Raaz! Ta'ziime kaa salaam

13. Islaame Piśwaa! Imaane Rahnumaa!  
Yaa Nuur-i awliyaa! Ta'ziime kaa salaam
14. Jaa jiiye Mehr-baan! Jaa Yaarimine Damaan!  
Jaa Aqle Aasmaan! Ta'ziime kaa salaam
15. Sirmin bićum Kitaab! Šurayeeše ruwe Gulaab!  
Jaa Ma'rifate Šaraab! Ta'ziime kaa salaam.
16. Israare Aayinaa! Ayn al-Yaqiime Saa!  
Chaa Zinda Ma'jizaa! Ta'ziime kaa salaam
17. Aaśiq baman uyoon ose hiñ hamisa doon  
Buť śawqe kaa senoon ta'ziime kaa salaam
18. Surayeeše kaa Nasiir! Saas heesi sen faqiir!  
"Yaa Śaah-i Dast-giir! Ta'ziime kaa salaam"

As-salaam Yaa Šaah-i Mardaan

1. As-salaam Yaa Šah-i Mardaan as-salaam!  
As-salaam Yaa Nuur-i Yazdaan as-salaam!
2. As-salaam waa Sirr-i Subhaan as-salaam!  
As-salaam waa Ganj-i Pinhaan as-salaam!
3. As-salaam waa Ruuh-i Qur'aan as-salaam!  
As-salaam waa Raaz-i 'irfaan as-salaam!
4. As-salaam waa Jaan-u Jaanaan as-salaam!  
As-salaam waa Diin-u Iimaan as-salaam!
5. As-salaam waa jiiye armaan as-salaam!  
As-salaam waa Šaah-i Dawraan as-salaam!
6. As-salaam waa Maah-i Taabaan as-salaam!  
As-salaam waa Šaah-i Qhuubaan as-salaam!
7. Nuure Daryaa Aqle Asmaan Jiiye Bul  
Ruwe Samandar Zindagiye Kaan as-salaam!
8. Ma'rifate Sah Ilme Dunyaa Isqe Sir  
Gaybe BIRKIS NUURE QUR'AAN as-salaam!
9. Ilme Aalame Ğenise Čiṣ baa La'le Kaan  
Isqe Daryaa Durr-u Marjaan as-salaam!
10. Nuure Qudrate hin Uyum Ruuhaaniyan  
Zaahiriye Jaamaw lo Insaan as-salaam!
11. Jisme dunyaa zindagiye Sarmaaya baa  
Jiiye aalame eeyse Saamaan as-salaam!
12. Waa haqiqate Diine Čhankuše Ma'jizaa!  
Waa Qhudaaye Nuure Burhaan as-salaam!

13. Ruwe Basii! Jaa jiiye Jii! Jaa ase Garii!  
Isqe ſaa! Jaa Diine Sultaan as-salaam!
14. Ruwe biyaymiine sar basar Daanaa Tabiib!  
Aaſiqiye ranjuure Darmaan as-salaam!
15. Umr uyoonu lo čap ne oosam asu lo jaa  
Zawqe daryaa ſawqe tuufaan as-salaam!
16. Une uyam yaad ase bahaar bila jiiye Jii!  
Une Tasawwur Baag-i Rizwaan as-salaam!
17. Une Fikr Aqline Kitaab Waa Piiswaa!  
Une Haqiqat Nuure Asmaan as-salaam!
18. Une Hidaayat aasmaanihe teſiye Čiſ  
Nuure Gan une Amr-u Farmaan as-salaam!
19. Une gu-riih cum luqma yayi ke horkuwan  
Un gu-yal če meeymi Luqmaan as-salaam!
20. Ruuz-u ſab bas une qhiyalu lo bay Nasiir  
Isqe marakaa ſule qazal-qhwan as-salaam!

## Nuure ſama'

1. Nuure ſama' gu-skile eđigaari je parwaana mayaam  
Agle bii-gaana numan une ſule diiwaana mayaam
2. Une ne jayaariñe dunyaate tilaalam ma'ſuuq!  
Nuure ſule qhamre faqat narſa je mastaana mayaam
3. Agle Nuuraani Sá un, aaſiqe ruuh une gu-čhaqar  
Ma'rifate Sinda mane ke qaymati dur-daana mayaam
4. Ma'rifate qhamre hawas bam sise majlisu lo hamiiš  
Iſqe čağa hikmate kaa ine ſule may-qaana mayaam
5. Ruwe paabandiye jaryaare basah alji qiyam  
Ase aazaadiye kaa aaſiq-i Jaanaana mayaam
6. Je ataşqalta ke go-đicaari tawaafar Mawlaa!  
Une mihibbate mele orſam sise parwaana mayaam
7. Iſqe mastiye ſule israare maqaam čum dawsi  
Aaſiqiye majlise maſquuliñe afsaana mayaam
8. Agle paabandi ke yeečam iſqe aazaadi ke jaa  
Iſqe kaa aşna numan muu agle biigaana mayaam
9. Un ke goomayma Nasiir! Muu je Aliye hikmat čum  
Ma'rifate bazme sisar ine ſule paymaana mayaam

Jaa čağamin uyam Yaar

1. Jaa čağamin uyam Yaar beşal kuli til ayaaljam  
Nuuraaniye Diidaar beşal kuli til ayaaljam
2. Ine TaqhtNaşıiniye marakaa til qhoşimiñe yaad  
Ine izzate Darbaar beşal kuli til ayaaljam
3. Ase dutan ha'guskile raše sañ naa be dukooma  
Waa jaa ase giyumaar! beşal kuli til ayaaljam
4. Rumhaani basiye jaa nas uyam rawnäge asquur!  
Un jaa bame ſurayaar beşal kuli til ayaaljam
5. Un jaa zbaśu lo nire nukuman yaari ačhim Yaar!  
Jaa jiiye Madadgaar beşal kuli til ayaaljam
6. Buť qhaas numa goor banda manaas kaate til aalam  
Leekin ſule iğraar beşal kuli til ayaaljam
7. Buť qaymati biihad uyamin ſule sire čağamin  
Ine sujo ſule israar beşal kuli til ayaaljam
8. Ruwe bazme ajab jiindo uyam heeniñe baaajaan  
Šurayeeſine mizmaar beşal kuli til ayaaljam
9. Ruwe ma'rifatu lo wahdate sis zaate ne han baan  
In yeenašo jaa baar beşal kuli til ayaaljam
10. Tawhiide Sa Nuuraani Halanc husne Šahinſaad  
Jaa aalame Sardaar beşal kuli til ayaaljam
11. Ine bağħsiše baazaar ajab hikmate sawdaar  
Ine bağħsiše baazaar beşal kuli til ayaaljam
12. Naačaariſuwar čaara bilum hikmate daanaa  
Muhtaaaj je naačaar beşal kuli til ayaaljam

13. Dunyaa ke qiyamate gane ḡamgiin amanas bes  
       Jaa ċharćiye ḡamqhaar beśal kuli til ayaaljam
14. Sañ saa če thapan, thapu lo sa, inkaaru lo iqraar  
       Iqraaru lo inkaar beśal kuli til ayaaljam
15. Une sujo lamanu lo duun dukučum jaa ruwe jaryaar  
       Jaa hikmate jaryaar beśal kuli til ayaaljam
16. Śule aalame asquriñe basiye sayl goyarum Yaar!  
       Un bam śule gul-zaar beśal kuli til ayaaljam
17. Une duusti abad qhaa bila izzat ke wafaa kaa  
       Jaa jiiye wafaadaar beśal kuli til ayaaljam
18. Thum qisme Libaasan nupelin muu ke Alii bay  
       Jaa Haydar-i Karraar beśal kuli til ayaaljam
19. Dunyaate Saqhii Nuure Kariim diine Śahinśaah  
       Kul aalame Daataar beśal kuli til ayaaljam
20. Śule hikmate ćagamine muke ćhal yuuma Nasirar  
       Til śule muke anbaar beśal kuli til ayaaljam

## Gaybe Birkirane Daman

1. Gaybe birkirane Daman jaa Sujo Sultaan yeečam  
Agle Ustaad yeenam Hikmate Qur'aan yeečam
2. Gaybe majlisu lo ajab aqle Gariye sah manimi  
Ísqे dunyaate Sa jaa ase gari Sultaan yeečam
3. Čhundo Nuuriñ ikhara le gaťi ne i-ii hin numa bay  
Panjtane Nuure Daman Mazhar-i Yazdaan yeečam
4. Baatiniye ine sifatin aqle masaas čum ke yaťe  
Zaahiriye har sifatu lo puuro bam insaan yeečam
5. Tha lakan šel-dayo duncira sa uyoonu lo biya bee?  
Aalzəniñ sah ne hamis Nuure akheş saan yeečam
6. Barćikuše sijdah malaayiktin uyoon čum nukanin  
Agle Aadam numa bam Suurat-i Rahmaan yeečam
7. Un Sulaymaane minas čum gu-khar hayraan buť aye  
Jaa jijey alcine kaa waqte Sulaymaan yeečam
8. Moominan hikmate gane zaahiri kaafir manu way  
Kaafiran matlabe gane sake musulmaan yeečam
9. Muuto Tuufaan api oosan muu ke Tuufaan bila naa  
Nuwe Kištiw lo huruť naa Ruwe Tuufaan yeečam
10. Aql ḡurčuyi ke ḡuṭum duwali ke buť thaanum  
Magar une iſqe hunar yaare be naadaan yeečam
11. Nuure jilwah esalam baśri niqaab daal eetam  
Har zamaanaw lo diyaayum Sah-i Mardaan yeečam
12. Til haqiqate muke qhaas Nuure Samandar yeečam  
Ma'rifate La'line čhis Aqline Asmaan yeečam

13. Alto aalamiñe Šahisaah ase alcine Gari bay  
Ilme Birkis ſule bul asli hayaa kaan yeečam
14. Ine ſurayaar ke uyam ine ſule jaryaar ke uyam  
Aaſiqiye fuwa te kabaabar ase armaan yeečam
15. Isq apim hikmate daanaan ke naadaan ičhanaan  
Isqe muhtaqaj numa luqmaayuwe luqmaan yeečam
16. Waqte ma' ſuuqtin uyoon une raſe aaſiq numa baan  
Une ſular banda numan Yuusuf-i Kin'aan yeečam
17. Diin ke dunyaate Damane hukmiňar inkaar aye naa  
Hukme inkaari ne mukar numa Šaytaan yeečam
18. Dukoyal til ḡame til muſaqat dunyaate misaal  
Kaafirar qhoſe basiyan moomine zindaan yeečam
19. Goor mubaarak le Nasiir! Rahmate Sultaan yeenaa  
Nuure Sultaane sisar muškiliñ aasaan yeečam

Birdiya te ajab ma'jiza

1. Birdiya te ajab ma'jiza jaa Nuure Sa yeećam  
Dunyaate sañar Sañ Gari sam sah numa yeećam
2. Insaane katu lo Nuure Damane diine Šahinśaa  
Diidaari jačhimi aski duwal buṭ žiga yeećam
3. Jaa ġiltireso naqhra uyam masti dumaayas  
Mene uulji ke eeycas ine muk jaa saça yeećam
4. Jaa ayarume eyarum qhoše diś asu lo bilaa qheer  
Šurayees ke qhošiye theehuše čheey ammaha yeećam
5. Une šule ne uyam beeke le dunyaa čhemiliñ jaar  
Til masqarakiye niraley dunyaa maza yeećam
6. Saa taaje Šahinśaa marakaar belaṭe niyam nii!  
Ine qaymati darbaare tamaašań ſuwa yeećam
7. Waa jaa qhoše Gušpuur! žu jaa jannate Asquur!  
Une šule her apim zindagi buṭ biithana yeećam
8. Šahzaada Alii Qhaanar saas heesi je qurbaan  
Daltaskuše asmaane halanc ḥar numa yeećam
9. Asmaaniñe tal yaare ḏako birdiy Čhindak  
Arsaate Alamguyn Aliye dabdaba yeećam
10. Čhoor sarke mane le aalame Haqdaar Šahinśaa!  
Dunyaw lo adal kam numa buṭ qaṣqara yeećam
11. Armaane fuwa te bim ase jajameeše ilaajar  
Jaa yaare mulaagaate uyam mele ſiša yeećam
12. Šurayeeše tabl negar Nasiir qhošiye alam diw  
Jaa čhanum asu lo Nuure Halancane basa yeećam

Aalama te thaanum manis

1. Aalama te thaanum manis Diine Sarkaare alam  
Diine ke duyaw lo qaniş qawme surayaare alam
2. Jimale mahsare garurum saa ce alame yal miyaçan  
Khuulto dunyaatu lo mii mazhabe giyumaare alam
3. Ine ta'ziimu lo istaada numan muu diwsin  
Alto aalamiine Sahinsaa sule darbaare alam
4. Mayatis qhaa ne Aliye izzate salwaat nuqatan  
Esalin maii ine laškar bame iqraare alam
5. Qawme har niik durowan gayba te oor tok meeymi  
Mi amu lo diwsan kuli Haydar-i Karraare alam
6. Alto aalamihi lo ine bamišo şiqam baan le Nasiir!  
Bes şiqam rahe bila hey baa Sule Sarkaare alam?

Balii ke mii watanar

1. Balii ke mii watanar Šah Kariime fayze qadam  
Miđim ke jiiye watan meeymi Nuure ras će şiqam
2. Le čhane žuçaya šule sise jiiye Nuure Jilwañe Yaar!  
In Agle Taghte Daman ruwe jahaane čhankuše Tham
3. Zuhuure Saan numa meer jil manaas inar be ajab  
Azalu lo jiimiñe asmaane Agle Nuure Sa bam
4. Be ruuh ke aqle bihištu lo uyamkuyaň apiya  
Uyamkuyaň bičuman čum kariime šul buť uyam
5. Baluuyas une šule aalamu lo ağama jaa ruwe fuk  
Qharaṭi ke han čhile qatraan samandaran će be ḡam
6. Kariime Isme kiraamat ke kaſfe hiñ dooniş  
Kariime šule sise gane oomaniş beſal kuli tam
7. Kariime Ismu lo Ismih uyoone ma'ni bila  
Iśaara "KARRAMNAA" Šah Kariime fazl-u karam
8. Muriide kawn-u makaan oltalik şiqam meeymi  
Esal şiqam rañe meyarum Kariime ſaane alam
9. Qhudaaye Ilmiñe Mahfuuze Jiindo Taqta hamiiś  
Qhudaaye Kaargariye Naqše Zinda Agle Qalam
10. Awaaji goor api hikmate juwaru lo saamaanik  
Ye gan le šule hole afsaar! tamaam Arab ke Ajam
11. Hamiisa kawn-u makaan ruuh ke jise rahmate diś  
Atuğanasan bila rahmatu lo baan ke besane mi kam

12. Yaqine gülćine yeeč "KULLA ŚAYIN AHSAYNA"

Imaame Zaatu lo kul aalamiň bičan le dišam

13. Jalaale Kiſtiye sis śule fanaa umayme nićaan

Be yar ke Hinkuše Zaat čum baǵayr menan ke apam

14. Ajal guyar bila naa ma'rifate ćiraaǵan yan

Duṭan, ćhanum, hanuman qabre hin bila ke na saǵam

15. Ohudaaye Nuur ići tam sis salaamatiya Ქ te nićaan

Duṭanu lo beke beleel ine ǵazabe jahanname qam

16. Nasiire khoč śule muk noo biyen nisaare gane

Balii ke mii watanar Śah Kariime fayze qadam

Sultaane Nuure Rahmate

1. Sultaane Nuure Rahmate Diidaare arşayam  
Jaanaane ġaybe ċaġamiħe ſurayaare arşayam
2. Asu lum basiw lo ine ſule asqurine sayl eċay  
Jaa ruwe basiw lo ġiltiras ine yaare arşayam
3. Firdawse atre nasaħe ajab Nuure majlisan  
Ruuhaani Paadħsaa Ruwe Darbaare arşayam
4. Ruuhaani Ġaybe Hikmate Qur'aan ġaraas dayal  
Mawlaa ke bandah hin bame israare arşayam
5. Gilmaan ke huure muk ke lučum dinčhirum juwan  
Ine ſule qhiyaale jannate giyumaare arşayam
6. Yeenas Alaste kaaṭu lo iqraare bandah baa  
Leekin ayaamanum yalam iqraare arşayam
7. Duldul ke Zulfiqaare Daman muuke sarke bay  
Jaa ruwe Raqhoono Haydar-i Karraare arşayam
8. Ġamqħwaariyar hamiiša Alii bay ke jaa be ġam  
Dunyaa ke aaghirate ſule Ġamqħwaare arşayam
9. Tawhiide Nuure Saan ase dunyaw lo jil manii  
Jaa ruwe dučankuyañ nimi Anwaare arşayam

10. Kawn-u makaane nuure hasiinaane Paadśaa!

Une iśqe ḡame je une śule jaryaare arśayam

11. Aalame Kitaab, haqaayiqe samban buṭan uyam

Hikmat ke aqle fikriñe damjaare arśayam

12. Asu lum uyamkuyañ une heybaa le jiiye Jii!

Ruuhaani Mulke naafah-i Taataare arśayam

13. Ruwe śahre paadśaahiye śurayees buṭan akneş

Jaa jiiye bazme majlise duutaare arśayam

14. Sultaane fayze hiña če huruč bii-nawaa Nasiir!

Jaa iśqe Paadśaa śule Sarkaare arśayam

## Azale Nuure TAN

1. Azale Nuure TAN Nuur Mawlaa Kariim  
Diyayum Daman Nuur Mawlaa Kariim
2. Hikan Nuur Mawlaa Kariim Panjtan  
Hikan Panjtan Nuur Mawlaa Kariim
3. Esal Čhundo gači lum Qhudaawande Nuur  
Numan muuto Han Nuur Mawlaa Kariim
4. Ye žu le jiiye čapu lum qhošiye naw-bahaar!  
Lakan thum numan Nuur Mawlaa Kariim
5. Ye žu le išqe jannate bahaariye hawaa!  
Qhošiye nas nukan Nuur Mawlaa Kariim
6. Ye žu le muškiliñ dišunas um ğaybe Yaar!  
Alii Bul al-Hasan Nuur Mawlaa Kariim
7. Ye žu le alto aalamiñ uyoonu lo Şaşa!  
Şah-i Zul al-minan Nuur Mawlaa Kariim

Note: BulHasan (Bul al-Hasan)

Zulminan (Zul al-minan)

8. žu ine ġaybe diidaare armaane her  
Hamiiś un ġatan "Nuur Mawlaa Kariim"
  9. Azal čum əbad qhaa henas Paadśaah  
Alīi čhan ke čhan Nuur Mawlaa Kariim
  10. Ajab nuure eeynaw lo Nuuraani Yaar  
Halancu lo nuqan Nuur Mawlaa Kariim
  11. Dučaň qa'r-i čaah čum uyoon duysasar  
Qhalaasiye Kaman(d) Nuur Mawlaa Kariim
  12. Ajab Nuure jilwaa jamaalin akhes  
Thuman duuń thuman Nuur Mawlaa Kariim
  13. Zamaanza balaa čum rācheesar hamiiś  
Ruwarr amne Khan Nuur Mawlaa Kariim
  14. Nasiir! Sule adab hen Šugulo gosu lo bay  
Apay goor mathan Nuur Mawlaa Kariim

Zamiin ke aasmaaniñe Saan!

1. Zamiin ke aasmaaniñe Saan! Yes zu le Nuur-i Qhudaa Sultaan!  
Muhammad Mustafaa Sultaan Aliiy-i Murtazaa Sultaan!
2. Muhibbate gane basan büt doom je jey gopaćar žuwas muškil  
Unar apaćar žuwas goor doom api le Muškil-Kuśaa Sultaan!
3. Akuyćum jiiw lo damjaarin ye khole ga le asu lo ǵalisaarin!  
Ruwe ranjar ſafaa Sultaan! Ase dardar dawaa Sultaan!
4. Menan bay alto dunyaatiñe haqiqate Paadſah yeey baa?  
Hamiiś dūyaa ke uqbaw lo haqiqate Paadſaa Sultaan
5. Guyeenase imtihaan gaybaa Libaasiñ har rañe beljaa  
Azal čum taa abad guy baa ajab hikmat le jaa Sultaan!
6. Hamiiś Ii-Garaas Qur'aan asiir mane hikmatiñ heyma  
Kul aalame baas uyoonu lo Ii-Garaas Qur'aan safaa Sultaan
7. Pasoom aye iṣqe ſurayaariñ hamiiś une aaſiqantiñ čum  
Saghiyy-i asqhiyaa Sultaan Şaşaamuča tūm Şaşa Sultaan
8. Šarii'ate Piir gu-guy bam chor gu-guy oosam gu-guy ganuma  
Tariiqate Piiśwaa Sultaan! Haqiqate Rahnumaa Sultaan!
9. Nasiire jiiye jawhar guymo ſule saqtiw lo deegus naa  
Uyam diidaare badalaw lo uyam jii goor fidaa Sultaan!

Mii jii ke aqle surayaar

1. Mii jii ke aqle surayaar Šaah-i Zamaane Farmaan  
Mii mese bahaare qiyumaar Šaah-i Zamaane Farmaan
2. Ma'šuuqe qhaas nišaana ine Rahmatar bahaana  
Qhaas aqline qhazaana Šaah-i Zamaane Farmaan
3. Ruwe zindagiye bahaari iimaan ke diine yaari  
Mii jii ke mese hušaari Šaah-i Zamaane Farmaan
4. Rahmate haralte asmaan til asli aqle Qur'aan  
La'lin ke muke qhazaanaan Šaah-i Zamaane Farmaan
5. Mii ruwe duṭān ḡuwaar san Aab-i Hayaate bulyah  
Daanaa sisar iſaaran Šaah-i Zamaane Farmaan
6. Miiaabruu ke izzat mii jii ke aqle dawlat  
Sule sis miyoone raahat Šaah-i Zamaane Farmaan
7. Hikmat ke aqle ustaad Ruuhaani Miwwa mii yaad  
Mi-miyoon mimanasar aabaad Šaah-i Zamaane Farmaan
8. Sulguyuwe gane jawaaban in yeenasar kitaaban  
Iimaane sise sawaabban Šaah-i Zamaane Farmaan
9. Aaſiqe gane qaraaran diidaare intizaaran  
In čum han i'tibaaran Šaah-i Zamaane Farmaan
10. Dunyaa ke diine gam-qhwaar yeenas sisar madadgaar  
Tawhiide Nuure Israar Šaah-i Zamaane Farmaan
11. Aajiz Nasiire iimaan mii haſre gunče saamaan  
Mii waqt ke kheene Qur'aan Šaah-i Zamaane Farmaan

## Diin ke dunyaa qaraar

1. Diin ke dunyaa qaraar Imaam-i Zamaan  
Aalamu lo Naamdaar Imaam-i Zamaan
2. Baatiniye Nuure jilwa gosu lo esal  
Jisme Kate Aasikaar Imaam-i Zamaan
3. Ruwe aalam siqam manaas un cum  
Zindagiye naw-bahaar Imaam-i Zamaan
4. Ine Iriin aqle yeeši ḡaybe ḡatenç  
Saahib-i Zulfiqaar Imaam-i Zamaan
5. Ruwe ſurayeeše birkiran agünnaa  
Ase Garii! Jiiye Yaar! Imaam-i Zamaan
6. Aasiqiye herse saas sawaalin yeeč  
Asu lo aar dooco taar Imaam-i Zamaan
7. Isqe kaatu lo manaan ke besane ma kam  
Ii aql meeymi maar Imaam-i Zamaan
8. Ine qadame gane le mulke dan ke heri  
Muu žučaya nii hazaar Imaam-i Zamaan
9. Aqle Jawhare Zabaane meer ne hamisiš  
Muk ke la'lin garaar Imaam-i Zamaan
10. Mii zamaanaw lo diine ſurayaarin  
Aasikaar mimañe čaar Imaam-i Zamaan
11. Mustafaa Nuur diine Šaahinšaah  
Šaah-i Duldu-Sawaar Imaam-i Zamaan
12. Chaa bilum čanki Diine taghte Daman  
Aalamiñe Taajdaar Imaam-i Zamaan

13. Une muhibbat Nasiire izzate taaj  
Jii fidaa' as nisaar Imaam-i Zamaan

- 
1. Imaam-i Zamaan (Zamaanaa Imaam).
  2. Baatinkiye (čapu lum) kat (libaas, gatōn).
  4. Zulfiqaar (DHU AL-FIQAR).
  11. Šaah-i Duldul-Sawaar (Duldula te huljayas ine Paadšaah).

Mastaana Sugulo

1. Mastaana Sugulo jaa ase jaryaare ſaheerin  
Ine aski duwal eeycase damjaare ſaheerin
2. Jaa as aqholase aajuwe in čarći apay gaa!  
Surayeeſiňe Šahzaada je naačaare ſaheerin
3. Daltaško Halanč aasiqe sarkee če atuušay  
Jaa zindagiye asa bila diidaare ſaheerin
4. Jaa herše be ſan bay Sugulo hiiše be eer leel  
Ii jaa ſan apay naa le ma ſule baare ſaheerin
5. Asqur duqharin gunčane jey baa ke ya seybi  
Jaa çhaa duqharas asqure giyumaare ſaheerin
6. Ine iſqe mariizar api thum beske ilaajan  
In i-ii Tabiib bay ſule biimaare ſaheerin
7. Dunyaate ne huſyaar magar diine ne bii-her  
Mawlaay-i Zamane Hazrat-i Daataare ſaheerin
8. Dunyaate mapeer bay magar diine atheero  
Sultaan Alii bay neso muu čaare ſaheerin
9. Ine qhanjare gaalin biča kuli asu lo, je minadaar  
Šule gaale ayaś baa le je minadaare ſaheerin
10. Ine banda Nasiir ine ſule armaane fidaa bay  
Jaa Hazrat-i Sultaane qhoskiye Taare ſaheerin

- 
5. Jeybaake ya(je baćan če men kuli kaalan apaan) senas.  
Ilji niin niin kхиiruman munaasib bariń gaťi gaťi girmiňas  
meeymi, bese<sup>ke</sup>eke ma'niw lo gaťi maničan.

Paak Mawlaa śule siis!

1. Paak Mawlaa śule siis! Ine śule barkat mayaşan!  
Diin ke dunyaw mayoon daraja ke izzat mayaşan!
2. Alto aalamiñu lo Mawlaa Madadgaar imaniş!  
Maal ke awlaad ke maa jiimiñe barkat mayaşan!
3. Ma'rifate Nuura te maa masumuč uyoon sañ manişan!  
Zaahiri ke baatini diidaariñe dawlat mayaşan!
4. Khuulto dunyaw lo mayoon Waqte Aliye barci numan  
Jimale uqbaw lo mayoon raahate jannat mayaşan!
5. Masu lo Mawlaa śule asquriñe baseñ maar duwaşaş!  
Ísqे asquriñe nasa te jannate raahat mayaşan!
6. Zindagiye Aab-i Hayaat ine Sujo Farmaan mayaşan!  
Aqle quuwat mayaşan! Maa ruwe taaqat mayaşan!
7. Diin ke iimaanu lo maa masumuč uyoon han manişan!  
Diin ke dunyaate Daman qhoś nima rahmat mayaşan!
8. In qhošiye har durowar Yaar-u madadgaar imaniş!  
Diin ke dunyaa durowar qhaas ine himmat mayaşan!
9. Alto aalamiñu lo maa jiiye qhimooriñ dučhaniş!  
Alto aalamiñu<sup>lo</sup> bim qudrat ni'mat mayaşan!
10. Paake Dargaa če yaqiin noo gose aamiin<sup>e</sup> Nasiir  
Nuure Sultaane zamaanaw<sup>lo</sup> ma barkat mayaşan!

Qhudaaye Nuur Qhudaaye ſaan

1. Qhudaaye Nuur Qhudaaye ſaan menan bay jaa Imaam juwan  
Paak Rasuule Qhaandaan menan bay jaa Imaam juwan
  2. Ruuh dimanas bihiſte nas aqle uyam ġaraas balas  
Gaybe qhabar uyoon henas menan bay jaa Imaam juwan
  3. Aqle ġatenç iriħ nukan ruwe haġura te sawaar numan  
Jiiye Khananç uyoon nuyan menan bay jaa Imaam juwan
  4. Gawhar-i ſab-ċiraage san iskile jilwa rañ-barah  
<sup>lo</sup>  
Asw niqaab ne aar faṭan menan bay jaa Imaam juwan
  5. Birdi ke aasmaane Nuur makaan ke laaz-makaane Nuur  
Hizħda hazaar jahaane Nuur menan bay jaa Imaam juwan
  6. Jaa ase Duust ke jiiye Yaar aqline baaje naw-bahaar  
Jiiye rāħheeše Zulfigaar menan bay jaa Imaam juwan
  7. Qhaas sire ċaġa mesas kitaab jannaţe nas żuwas gulaab  
Aqle sawaaliħar jawab menan bay jaa Imaam juwan
  8. Izzate aasmaane saan hikmate mulke Paadħsaan  
Aalam uyoonor in Šaħħa menan bay jaa Imaam juwan
  9. Diine ganu lo miyar manaas ċaġamiñe nuure muk ūħħiġ  
Aayina bay Qhudaa ġanaas menan bay jaa Imaam juwan
  10. Aħlamar aħħkaar numan aqline naam-daar numan  
Jaa abaqsiw lo yaar numan menan bay jaa Imaam juwan
  11. Sen le Nasiir! Qhimoore bar Nuure nukorša baa be ar  
Huur-u parii malak baśar menan bay jaa Imaam juwan
- 
5. Hizħda (hijdah) hazaar jahaane Nuur (turma altambi hazaar aalamihe Nuur).

Diidaare qhimoor baa ke

1. Diidaare qhimcor baa ke zu ine iisge hunar hen  
Biigaangimih fat ne zu Tawhiide Nazar hen
2. Guutiine nukuzar ine gane damjaar ne gukhar bes  
Jismaani safar qhas aye ruuhaani safar hen
3. Hal hercume eer qaw-eti hazaar nire nima zuqiya  
Sule herse qaw-eer qhos bila sule herse guchar hen
4. Hal safaa ne gose aayina in gosu lo esal zu  
Kul hikmate cheey sul bila diidaare asar hen
5. Hal ine til akool yaad-e sa-thap, yaad-e bujan yaad  
Une yaadu lo baa yaad-e senas hikmate bar hen
6. Hal iisq Israafiil numa sule burgu egar zu  
Jaa Nuure Giyaas epilanasar ine sule gar hen
7. Hal asiir mane le yeenase israare bariin hen  
Dunya qhabariin fat ne faqat aqle qhabar hen
8. Hal Nuure Daman basariye pardaw lo esal zu  
Nuuraani unar doom bila huuyaar numa yar hen
9. Hal ine sule marakaw lo hurut sule caga-bar hen  
Une sule balase parwarisar qand-u sakar hen
10. Hal zaahiri diidaara te ine isqe inaay oos  
Ruuhaani ganeh ine sule gane chaa nukucar hen
11. Hal Nuure Daman yan gukharar jiiye Raichoono  
Huuyaar le Nasiir! Ine sujo iik jiiye tumar hen

Qhudaaye iſqe kitaaban juwan

1. Qhudaaye iſqe kitaaban juwan gulaab waraq  
Gatan zu hikmate asquriñe baađe husne sabaq
  2. Basiw lo tomana te seybim balasane huu huu huu  
Gulaabe şara te nupoon han ēgatanimi haq haq haq
  3. Qhudaaye qudraté dunyaa ajaayibaate kitaab  
Men ogama aqle nazär oor manii ke esalase raq
  4. Sa jil manaase qhabar yarne čhiše ithane dusući  
Darum ke buur numa thažnum ithanu lo nuure ſafaq
  5. Sitaaramuč ke halanc kul jahaan duțan meeyimče  
Ayespalam ke jahaan makući saa Qhudaaye ciraq
  6. Gumoose barće qarawe šule qhuronç hik aar eewar  
Zu ase jahaan sañ-e hik khaç ne iſqe barće camaq
  7. Ayase şiqam gute gut una te çhaa diyaay yeečam  
ke Apam un Đako aasmaane gut nićumče malaq
  8. hañeeše dana te hazaar eeyna as taq aaćuma naa  
Manii ke jaa te ayaa une jamaale aayina taq
- 

4. Šafaq (thali-sa, thali, tali, čhiše ithan, sa, zamiina te walum sa).
6. Barć (barq, aasmaani bijli)

9. Siyas ke une dāne daryaa nečin ni amne khanar  
 Dusokići teele unar aasmaane nuure tabaq
10. Qhudaaye Laškare saamaan aqayćicüm ajaban  
 This oomanum yaćibim íchar-apim Qhudaaye tumaq
11. Ajab haqiqate daryaan misaale nazmu lo noo  
 Samandaran yami kuuzar na yoon manii na tađaq
12. Dakhil kamaale kitaabane waraq čum işqarći  
 Basiw lo thos duqharum nas uyam gulaabe waraq
13. Nasiir juwan je <sup>ke</sup>une hiña če duuśayas huk ačhan  
 Je, un Şaşa hiña čum hole ayawaśi, oosan ĥaq
- 
9. Tabaq (hanik, fata, ta'aam śeyase gane dusčakan)
11. Kuuza (puún, bali)

Hunzo ilme kaan maniș!

1. Hunzo ilme kaan maniș! Şah Kariime kheenu lo  
Daa ke büt ſuwaan maniș! Şah Kariime kheenu lo
2. Hin Qhudaaye Nuure Saa yaari duuſi Hunzo çhaa  
Aqle ſakle kaa thalaa Şah Kariime kheenu lo
3. Nuure yaari duuſi maar meeymi masu lo naw-bahaar  
Ilme Tome famol garaar Şah Kariime kheenu lo
4. Aqle Nuur fatañ maniș! Mii watan ce san maniș!  
Mulke, diine nañ maniș! Şah Kariime kheenu lo
5. Mesu lo Nuure san numan saço maniș le ilme gan!  
Büt ſiqam maniș watan! Şah Kariime kheenu lo
6. Ittifaaq uyam ǵaniş! Mes miyocone han maniș!  
Umr uyoon qhośiw lo niş! Şah Kariime kheenu lo
7. Mesu lo ſuwa niyat maniș! Mima le ſuwa adat maniș!  
Qawme ſule buyat maniș! Şah Kariime kheenu lo
8. Muke haralt diyarsı meer ǵameſe ray baman ſan-eer  
Thos jawaan guman mapeer Şah Kariime kheenu lo
9. Aqle sis ce moon etin ſuwa durowe nigoon etin  
Mas fulaate hoon etin Şah Kariime kheenu lo
10. Miimo bay ke besane kam sarke bay ke mii be ǵam  
Gos ćum arkus eeri ǵham Şah Kariime kheenu lo
11. Madrasaw lo ilme san henase maraka rañ-baran  
Aqle birkiran faṭan Şah Kariime kheenu lo
12. Qawme haqu lo meş ke niş diine haqu lo jii dimiṣ  
Mulke nañu lo ruuh ſaliş Şah Kariime kheenu lo
13. Zu le Nasiir! Du'aa ǵatan qawm ke Hunzo han ičhan  
Qawn ke jii ke Hunzo han Şah Kariime kheenu lo

**As daacuwa**

1. As daacuwa aar sarke manaa asu lo bam ungow  
As phaani akuycum ye ganaa asu lo bam ungow
2. Jaa jii garicila aski duwal une gane Ma'suuq  
Faryaad je timees cum niya naa asu lo bam ungow
3. Jaa herşa te masqüul guumanas baa ke ye aawar  
Un qhos guumanis naa je ya jaa asu bam ungow
4. Saah duustiye damjaare be oorus je gadaa gaa!  
"Huş beesa sazaa goor" aso waa asu lo bam ungow
5. Jaa yaar faqat un le Alii diine Sahinsaa!  
Un cum je lakan heesi fidaa asu lo bam ungow
6. Une yaade ayaş jannate surayeeše gamun jaar  
Jaa jiiye Daman Nuur-i Qhudaq asu lo bam ungow
7. Hayraan le chanum asar Sugulo belate gibaa nii!  
Daltas bare Ustaad garicaa asu lo bam ungow
8. Jaa nire-kalumin heen-bujoonin henas un cum  
Jaa bareso barancal ogaraa asu lo bam ungow
9. Un purmo ke til gooluma bii-ćaara Nasiir cum  
Jaa asu lo guumanş zindagi chaa asu lo bam ungow

La'liñe kaa tool manaaS

baasraU elstaA

1. La'liñe kaa tool manaaS mene be majaalan bila  
Jaa Šuguluwe dabdabaa iice kamaalan bila
2. Hazrat-i Sultaan hamii's eeyça kuli jaa be ġam  
Asu lo inee yaad'etas yeečame kaalan bila
3. Jaa as, Šurayaare saan dake ayasu lo jil manii  
Ine ſuguley meeymi jaar but ſuwa faalan bila
4. Qhos-qbabarān dayala baa ġaybe, mubaarak le aas!  
Prins Alii Es. Khaane muu žuwase qhiyaalan bila
5. Amu lo Šaraaban Tahuur amu lo Aliye Isqe Mel  
Jaa sa-thapu lo minaas mel daa ke halaalan bila
6. Isqe biyaymine tabiib mii watanar hik žu naa  
Ur ġame ſim asu lo yeeč une ſule gaalan bila
7. Šugulo ikhar meeltiras saas ſakalin far ne gaa!  
Jaa Gariye jilwahe amu lo misaalan bila
8. Une gane dar-badar bay une hiha cum žon Nasiir!  
Choor gu-khar eer thumuk eh ſaa! Šawqe sawaalan bila

1. Gute nazme 'suruu' lo Imaam Sultaan Muhammad ſaa "Diamond Jubilee" yakal iſaara bila.
4. Prins Alii Es. Khaan (Prince Ali Salman Khan).
5. Šaraaban Tahuur (paak melan, ya'ni Bihiſte mel).
8. Mii gute duro yarkamaasu lum bila, itee waja cum beeruman manimi kuli gamune, ciriše daa inaaye bar girminas awaaji, taaki lafze chiris faſ oomaymi.

## Azale Ustaad

1. Azale ustaad Alii Sultaan Kariim bay  
Zamaanaa mii Sah-i Mardaan Kariim bay
  2. Hazaar andar hazaar Ismih thumin noo  
Yaqinjan Suurat-i Rahmaan Kariim bay
  3. Zamaanaa kaa dumaaayum Jisme Katu lo  
Haqiqate Ii-Garaas Qur'aan Kariim bay
  4. Huu al-Zahire iisaarat hen le daanaa!  
Qhudaaye Zaahiriw lum Saan Kariim bay
  5. Agar une KAAF-U NUUN yeey baa ke aariif!  
Azalu lum Amr-i Kune Farmaan Kariim bay
  6. Be insaan Asrafu al-Maghluuq ichaybaan  
Hamisiya Mafqhar-i insaan Kariim bay
  7. Haqiqate muk duwasayas Nuure daryaa  
Ruwar guyumaare la'line kaan Kariim bay
  8. Besal kuli til ayaalas isqe surayaar  
Hamisiis jaa ruuw lo bam Jaanaan Kariim bay
-

9. Muhibbat Ქok maniṣ oor, śart-i kul bas  
    Šugulutiñe diin ke uwe imaan Kariim bay
10. Be ḡam bila fitnamine Tuufaan žuwas cūm  
    Zamaanaa Aqle Kistii-Baan Kariim bay
11. Ye žu le yeen gosu lo jannat gooltiriş qhaa  
    Bihiştin ine bicum Rizwaan Kariim bay
12. Žu ine han baru lo kul hikmat yayas yeeč  
    Akhenasiñ oykinas Farmaan Kariim bay
13. Ye muu daal meeymi esalin ilme qahtiñ  
    Iśaarat Naayib-i Salmaan Kariim bay
14. Nasiiruddiine esu lum Aqle Ustaad  
    Thi men bee Naam-Daar Sultaan Kariim bay

## Mii Kheene daman

1. Mii kheene Daman Jubliye Sarkaar Alii bay  
Mii Waqte Imaam Haydar-i Karraar Alii bay
2. Dunyaw lo be ḡam ine sise mahsaru lo be jaryaar  
Dunyaa ke qiyamatu lo madad-gaar Alii bay
3. Arasaate Daman jannate čheey Kawsare Saaqii  
Šurayeeše śama' mii Śah-i Diidaar Alii bay
4. Islaame Uyum diine Dako mazhabe Rah-Bar  
Iimaane hole dabdaba Sardaar Alii bay
5. Firdawse sise bazmu lo in Wahdate Šurayaar  
Nuuraani Čiraq aalame giyumaar Alii bay
6. Jaa matlabe muk Nuure Gariye Raś sujo asqur  
Ma'śuuqiye dunyaate Sa jaa Yaar Alii bay
7. Munkar ke Nakiirar ośam aassne jawaaban  
In Mazhar-i Kul Nuur-i Qhudaa jaar Alii bay
8. Baśariw lo bay insaan magar Śaane Śahinśaan  
Baatine nazaru lo Qaadir-i Muqhtaar Alii bay
9. Mii majlise armaane ḡarin ine śule HUU HAQ  
Qurbaan mimansan, śulguyo Šurayaar Alii bay
10. Mawlaa sire čağamīn dukoyal ine śule gan hen  
Khin Hazrat-i Sultaan qhabar-daar Alii bay
11. Jii demi le Nasiir! Hazrate diidaare qhośiw lo  
Sultaan Muhammad Śah-i Daataar Alii bay

- Jaa ḡaybe śurayaarīne Daman aal ol wetħad  
 1. Jaa ḡaybe śurayaarīne Daman Allaahu Mawlaanaa Alii  
     Han Tan ruman in Panj-Tan Allaahu Mawlaanaa Alii  
 2. Dunyaa ke uqbaa Paadśaa! Anfus ke aafaaqar Panaa!  
     Kul Anbiyaa kaa bam Gwaa! Allaahu Mawlaanaa Alii  
 3. Yar bamišu čum yar bam Damaan! Aalamu lo qħaa Śaah-i Zamaan!  
     Nuuriñ diyaarcas Aasmaan! Allaahu Mawlaanaa Alii  
 4. Islaame laškare Naam-Daar hirkuse Daman Duldul-Sawaar  
     Qahriñe Gatenč ine Zulfiqaar Allaahu Mawlaanaa Alii  
 5. Waqtan mapeer waqtan jawaan, gaahii giyaas hik Paadśaan  
     Har dawre gane Sahib-Zamaan Allaahu Mawlaanaa Alii  
 6. Asú lum qħošíye dunyaate sañ ine Nuure jilwan rahn-baran  
     Jiimih uyoonar raç ke šań Allaahu Mawlaanaa Alii  
 7. Tawhiide Zaatu lo in Qadiim ruwe Kzarigar aqliñe Hakiim  
     Nuuriñe Kiraamaatine Kariim Allaahu Mawlaanaa Alii  
 8. Sulguyuwe meyarum Jiiye Yaar mese Nuure Dunyaa naw-bahaar  
     Ruuh desparas Gaybaana-Taar Allaahu Malaanaa Alii  
 9. Sujo Iṣqe Israafiile ḡar ilmiñ uyoon yam Nuure Bar  
     Kul aalamiñ yeeċas Nazar Allaahu Malaanaa Alii  
 10. Sire ċaġa mesas Umm al-Kitaab jiiyar sawaal aqlar jawaab  
     Un Bu al-Hasan un Buu-Turaab Allaahu Mawlaanaa Alii  
 11. Jaa ruwe gayuwe gane śule gasanç Islaame sise Rahmate Barenç  
     Kuffaare gane maarane gatenç Allaahu Mawlaanaa Alii

12. Qatraw lo daryaan meeltiras mese haw lo dunyaan meeltiras  
Zarraw lo han saan meeltiras Allaahu Mawlaanaa Alii
13. Kune Bara te aalam desmanas tike fukane Aadam desmanas  
Gaal makući marham desmanas Allaahu Mawlaanaa Alii
14. Saas denihe iirum desparas har hin balaa cum dospasas  
Narmiya te dusman esparas Allaahu Mawlaanaa Alii
15. Nuuraani diidaariné Daman Ruuhāani surayaariné Daman  
Śule la'le baazaariné Daman Allaahu Mawlaanaa Alii
16. Tawhiide jilwaa Aayinaa! Malakuute aalame Nuure Saa!  
Jiimihe Sagħiġi agħlinne Saqaa! Allaahu Mawlaanaa Alii
17. Un baa Muhammade iimo jii sulguyuwe ose ulċine Garii!  
Żu le iśqe ranjuurar milii! Allaahu Mawlaanaa Alii
18. Une iśqe qhanjar buṭ hirum une śule haqiqat buṭ ġuṭum  
Une ſaan ke izzat buṭ uyum Allaahu Mawlaanaa Alii
19. Tawhiide Sire Bar bas Nasiir! Ine iśqe zanjiiru lo asiir!  
Nuuraani diidaariné faqiir Allaahu Mawlaanaa Alii

Qaymat manuwaa le ísqé fuu!

1. Qaymat manuwaa le ísqé fuu! Jaa asar dukoon balaase ray  
Asu lum ćame ćhaane as siyii śule fuw lo uyoon ǵulaase ray
2. Jaa ísqé firišta yeenā baa buṭ narmiye kaa ruwar giçay  
Hik heesi ke ruwe sitaar numan altumalu lo aar ǵaraase ray
3. Diidaare disar ayaamanum yeečase gane as qharaaw manii  
Ine aski duwal nuher nuher multanu lo lamayn giraase ray
4. Hayhaa je ǵariibar amu lo naa han ǵuncane ćhaa guyeečasan  
Une jilwa uyam uyam nesal diidaariye as basaase ray
5. Waa hikmate paak ke jiindo toom! Une miwa ściar ayaamasam  
Une yalu lo dawas le jiiye jii! Une śule famol aar śalaase ray
6. Majlisu lo til ísqé sis numan un majlise sah ćiraq gumans  
Armaan ke qhimoor ke ísqé kaa parwaana miyoon manaase ray
7. Ase eeyna te aybe qhurc bila śule laqpise as safaa maniṣ  
Sarkew lo buṭen mathan nibaa jaa asar dukoon ǵanaase ray
8. Surayeeše bahaare nuure saa! Goyerum sis uyoona tūm fidaa  
Asu lum ǵamićan mathan mayaar un mocoq numa aar ǵasaase ray
9. Israare bariń uyoon heyar śule hikmate bar qhabar gayar  
Un gopaci je-jey asiir mayaar Tawhiide śaraab minaase ray
- /10. Buṭ heesi libaas badal ne un aalamu lo hamiiś zinda baa  
Saas heesi jawaan mapeer numan saas heesi mapeer giyaase ray
11. Un nuure balas numan ajab yate Arsu lo gaa guyak ganaa:  
Jaa aqle iriinē neemasin apaćar dukuśar masaase ray
12. Bićaara Nasiire jii ke es śule fuw lo hamiiś ǵulaase ray  
Qaymat manuwaa le isqe fuu! Jaa asar dukoon balaase ray

Haazir Imaame iṣqe fuwan

1. Haazir Imaame iṣqe fuwan jaa asar balii

Haazir Imaam jaa gaale malyam jaa asar milii

2. Dunyaate zindagii biličum buṭ uyam bila

Une aaśiqiw lo dunyaa čum jaa asan galii

3. Dawlat zaruurat aar api izzat qhas oomanis

Sultaane śule ḡariñ čum ajab jaar ḡenah śalii

4. Ine duusti apim ke jaa baqtar gilaan bilum

Sultaane Iik nuhen be mukan jaa ariin walii

5. Une hiñače jaa ḡulaami be buṭ diine Paadšaa!

Jaa ruuh unar fidaa imanis Murtaza Alii

6. Har muškilan diśuyumi Aliye Nuure Ma'jizaa

Un "YAA ALI" qhofii ne ḡatan yaa ḡatan jalii

7. Asmaane hunco teşminar un qudraté Dako

Une śajra bar-qaraare Walii-Ahd Prins Alii

8. Haazir Imaame duústi etas ayna farz ichan

Ine duusti apima te menan eemanay walii

9. Dunyaate kaar-u baarin uycon fat ne žu le Nasiir!

Sultaane ma'rifat ke sifate qhaas mukik olii

Guke Buruśaski nazmiñe inaay 1940 lo hurutibim, uyoon  
čum yarkamaasum nazm gute bila. Je ite waqtu lo altar-iski  
dene jawaan bayam.

## Mii abaše gunčin

1. Mii abaše gunčin ye khok bare Šaah-i Sultaan ďharći ni  
Une kiraamate leel nimee yaa Šaah-i Mardaan ďharći ni  
bare
  2. Til balaamin diimi deša muškiliň dišunas Damaan!  
Guymo goyarume meer eh Mawlaa muk̄il aasaan ďharći ni
  3. Barći goor baan kuli apaan kuli une madade mii mesa ne baan  
Une madade gańe muu dimećanaan Šaah-i Šaahaan ďharći ni
  4. Thum menan bay abaše waqtu lo yařriyar un čum bağayr  
Muhime waqt diin qis manii waa Nuur-i Yazdaan ďharći ni
  5. Čaybe hikmate Zulfiqaara te YA ALII dušman deša  
Une ġariib ruuhaani awlaad bare le herčaan ďharći ni
  6. Une Huzuurar qhoś zuwas zaariye du'aan meykin Damaan!  
Un če yaş uzran akheyabaan qaw ne seyabaan ďharći ni
  7. In yakal aajiz Nasiire uzr ečay aamiin manış!  
Yaa Imaam al-waqt Mawlaa Šaah-i Sultaan ďharći ni
-

## Waqt diya ke

1. Waqt diya ke gukhar diina Ქे qurbaan eh fidaayii  
Mawlaa śule qhidmate gane armaan eh fidaayii
2. Ruuhaani Babaa ganu lo qhošiye kaa guyatiş diws  
Dunyaa akheşan neeltiri hayraan eh fidaayii
3. Maqsuude basaar niyasu lo ḥan himmat'e ḡat bee  
Qhas guyar ħiṣan diya kuli maydaan eh fidaayii
4. Une bay ke be ġam Nuure Daman aqle Madad-Gaar  
Har ḫoom duowan aqla Ქe aasaan eh fidaayii
5. Goyerum watanu lo bam sise izzat ke adab hen  
Une watane zamiin izzate asmaan eh fidaayii
6. Aadatu lo firiştāan numa daltaško durooyñ oos  
Chaa gukhar dečan ħankuše insaan eh fidaayii
7. Mazhabē durowar daldiyē dunyāzatu lo baş chaa  
Farmaane bariñ gan żu le farmaane fidaayii
8. Har ḫuṭan dišan yeeċa ke iimaane gareñ diw(s)  
Iimaane misaal oor mane iimaane fidaayii
9. Muhtaaġi gariiban watanu lo yeeċa ke fi al-haal  
Imdaad'e bicaaraa gane ċaaraan eh fidaayii
10. Jii diw le Nasiir Nuure Damane laškare haqu lo  
Waqt diya ke gukhar diina Ქe qurbaan eh fidaayii

9. Fi al-haal (filhaal).

Gute Haydarabaade (Hunzo) fidaayitihe Taraana bila.

## Sabuur hin aasiqan

1. Sabuur hin aasiqan diidaare neršan

Buṭan herćam Aliye šurayaare neršan

2. Adabe gane čup ne leekin yuuwe tuufaan

Inee šule herše mos niičin je hayraan

3. İdim tok iṣqe tisqane larza meeybim

Gariib ine tin ke bale zilzaal gataybim

4. İdim čum ruuh duwaljar rik numan bim

Aliye šule aajiziye gane tik numan bim

5. Ajab eer ma'jizaan diidaare raś čum

Firištaan eer sokam ine ruwe ayaś čum

6. Haqiqate iṣqe daryaar ḡarq niman bam

Muhibbate sis harahu lo farq niman bam

7. İ-namate Nuure šan diidaare madhuus

Aliye šan bam magar dunyaate bii-huuš

8. Čapiskum iṣqe burġuwe.ḡar deyaljam

Kiraamun kaatibiin čum bar deyaljam

9. Haqiqat<sup>e</sup>, Kaſfe Sise aadaate ma'muul

Iqhat ban(d) es Aliye Sire čaga te maſguul

10. Uyan majlisu lo til Mawlaa Parast bam

Uyoon ine zikre mele mastiw lo mast bam

11. Ajab til nuure til šurayaare marakaan

Ruwar sah aqle gane giyumaare marakaan

## ANSWER TO THE QUESTION

12. Aliye šulguyuwe marakaa ḥum je qurbaan  
Je maa šule bázme sañ marakaar buṭ armaan

13. Ye ni le jaa ruu! Duwal ine iṣqe marakaar  
Uyeesuma teele jaa ruuhaani yaar-baar

14. Akhar cūm bee magar maa ruwe asar cūm  
Damayalaan šule pureeluwe ḡar ačhar cūm

15. Ajab Ma'šuuqe šule mastiw lo pasti!  
Inar daltas adabe pastiw lo masti!

16. Muhibbate herş ruwar bahraa haraltan  
Hamiisa her le aaśiiq! Qhas apaltan -

17. Nasiir! Qhas til akool šule bazme majlis  
Imaamate šule firiştaa nazme majlis

## Sah Kariim Diine Šahinšaah

1. Sah Kariim diine Šahinšaah mi-miyoon ine hol baan  
Barćikuše saru lo čhira te mukik juwan ćhaa dol baan
2. Mi amu lo baan kuli in mii hole Afsar kaa bay  
Diine daltaško durooyn meykinasar daanaa bay
3. Aqle birgaa te mii daltaško durooyn desmaya baan  
Jiimičin niyi kuli mii mazhabe khan destaća baan
4. Diine qhidmate gane mii himmate oşcum deći baan  
Nafse ġiltirasiň uyoon mazhabe gane mii eći baan
5. Mii-mo jii čum kuli mii Afsare Farmaan meyarum  
Diine qaazuuniňe gane hikmate Qur'aan meyarum
6. Diine Sarkaare qhošiye qhidmate gane kaat pusuaan  
Miirašuik baan ke qiyaamate abaśiňe meski suwaan
7. Umre taa'at api Mawlaa yuwa han qhidmate gaş  
- Qawme qhidmat ayetum siis! Bihišt un će be yaş
8. Aqle sise mazhabe qhidmatu lo uyamkuş yeečaan  
Jiiye Šurayaare baseňe Nuure şiqamkuş yeečaan
9. Qawme qhidmat ne buťan sis ruwe Šurayaar uyabaan  
Gaybe diidaarinę sah aqlinę giyumaar uyabaan
10. Qhas beśal kuli mi čonoňo hole amiwaşı yaaMawlaa!  
Un će yaş mii śule qhidmatan api kuli jiiye Şaşaa
11. Śuwakuše har durowar mil ruwe čhindak gumanış  
Surmanas mii numa une gaybe guriin čum dumanış
12. Śule hariip ine fuwe ine emiše bi waa qhaali gabii!  
Nazm<sup>e</sup>, daltaško muk in čum biyé waa qhaali dabii  
gane
13. Diine qurbaaniyę jii be pasoom diw le Nasiir!  
Diine Šurayaarinę kheen diibila mii kheene asiir

## Hin Qhudaa Wahdate Nuur

1. Hin Qhudaa Wahdate Nuur Diin ke dunyaate Huzuur Goor amanṣa le je fidaa!	Ruwe kiraamaatine Tuur Gunça čum gunč mašhuur Marhabaa Šaah-i Kariim!
2. Ii-Garaas Agle Kitaab Ruwe šurayeeše gulaab Goor amanṣa le je fidaa!	Kul sawalaate jawaab Išqe Firdawse šaraab Marhabaa Šaah-i Kariim!
3. Ase basiye taaza bahaar Sujo Ruwe išqe sitaar Goor amanṣa le je fidaa!	Jiiye šurayeesine Yaar Bii-qaraar jiiye qaraar Marhabaa Šaah-i Kariim!
4. Gaybe pardaw lo ke baa Išqe marakaw lo ke baa Goor amanṣa le je fidaa!	Sarke dunyaw lo ke baa Nuure Daryaw lo ke baa Marhabaa Šaah-i Kariim!
5. Diin ke dunyaate Şaṣaa Hayy-u Haazir numa čhaa Goor amanṣa le je fidaa!	Sujo Paakiiza Safaa Sarke baa hikmate kaa Marhabaa Šaah-i Kariim!
6. Ye žu jaa čağamih Uyaam! Agle sise Čhanki Imaam! Goor amanṣa le je fidaa!	Nuure daltaškuwe Thaam! Har zamaanaanu lo Baam! Marhabaa Šaah-i Kariim!;
7. Išqe Naaqquure ičhar Ma'rifate ḡaybe nazar Goor amanṣa le je fidaa!	Puwe šurayeesine gar Agle ruuhaani hunar Marhabaa Šaah-i Kariim!
8. Baatiniye kaſfe qhiyaal Bamišo daltaško misaal Goor amanṣa le je fidaa!	Gaybe nuuraani jamaal Aalamiñe husne kamaal Marhabaa Šaah-i Kariim!

9. Agle ſaan Nuure Niſaan Ruwe ſurayeeſe makaan Goor amanſa le je fidaa!	Ilme bul hikmate kaan Jiye Jii ſaah-i Zamaan Marhabaa ſaah-i Kariim!
10. Mustafaa Rahmate Zaat Une bariñ qand-u nabaat Goor amanſa le je fidaa!	Murtazaa Nuure Sifaat Ruwe gane Aab-i Hayaat Marhabaa ſaah-i Kariim!
11. Paakiyate asli du'aa Ćap bilum aalame saa Goor amanſa le je fidaa!	Iſqe ranjuure ſafaa Nuure ma'ſuuqe başaa Marhabaa ſaah-i Kariim!
12. Jisme Naasuut ke guy Agle Jabruut ke guy Goor amanſa le je fidaa!	Ruwe Malakuut ke guy Zaate Laahuut ke Guy Marhabaa ſaah-i Kariim!
13. Nuure ſurayeesine ſan Gaybe pardan ne fatañ Goor amanſa le je fidaa:	Ruwe basiye asqure ran Man jamip baan ke be ſan Marhabaa ſaah-i Kariim!
14. Ma'rifate bazme garii! Asu lo ſule burğu garii Goor amanſa le je fidaa!	Huur-u ġilmaan-u parii! Iſqe gurguš gučhارىي Marhabaa ſaah-i Kariim!
15. Aaſiqiye mazhabe Piir! Guy ġames baa le Faqiir! Goor amanſa le je fidaa!	Paadſaah guy le Waziir! Śawqe kaa sen le Nasiir! Marhabaa ſaah-i Kariim!

Zu le Šahinšaa

- asamnū ī-nabū ūlu ovju | nesken odesvurūz ewun  
 11. Zu le Šahinšaa Nuure Mawlaa Šaa Kariim!
- Guyykičin saas Zaate Hin baa Šaa Kariim!
2. Mustafaa Nuur Aal-i Haydar waqte Nuur  
 Bila hamiiś dunyaw, une Jaamaa Zahuur
3. Diine Aalame Aasmaanum Nuure Saa!  
 Alto aalame sis uyoonaar un Şaşaa
4. Un bičum Sifatiń uyoonu lo Bii-misaal  
 Pakiat Tawhiide Zaatu lo Laa-Yazaal
5. Hayy-u Qaayim baa azal čum taa abad  
 Kul jahaaniñe Paadšaa Fard-u Samad
6. Diin-u dunyaa čhaa Diyaayum Paadšaa  
 Qhalqater Raac! Bamišo insaanar Panaa!
7. Har hinar muškile gətanč Dušunas Damaan!  
 Kul balaamiñ fitnamiñ čum al-amaan
8. Imtihaan mima čum akan naa Paadšaa!  
 Beeke mii a'maal tabaah meeymi tabaa
9. Jisme Kate giyumaar hazaaran heesi thum  
 Nuure Šaan har dawr uyoonu lo han bilum
10. Aasmaaniñ destayum Thaanum Dakoo!  
 Birdi une qudrat će har waqtu lo čakoo
11. Un guyeeyar guymo šulguyo dosqaśaa  
 Khiiruman une jehle marzu lo osqaśaa

12. Aasmaanine Thamkuyań uǵunas Damaan!

Rewe jahaanihe mehrbaaniye Mehrbaan!

13. Mesu lo saň ſurayaare dunyaan meeltiri

Rewe uyam diidaare marakaan meeltiri

14. Aqle miwmus miiw haqiqate čaga seyar

Jiiye milćin miiw le Hinkuše gan heyar

15. Une madade dačanam je une hiń čum faqiir

Une Nasiir, Ni'ma al-Wakiil ni'ma al-Nasiir!

---

15. Ni'ma al-Wakiil ni'ma al-Nasiir! (Ni'malWakiil  
ni'manNasiir!)

## Zamaanaa Nuure Tan

1. Zamaanaa Nuure Tan Mawlaa Kariim baa  
Be Bismi Allaah-i al-Rahmaan-i al-Rahiim baa
2. Je butj joç aajizan baa Nuure Mawlaa  
Je biicaraa buyat manzuur eh Mawlaa
3. Muçan tik daayabaa darmaanda namanin  
Gunaa çum qhas butjan şarminda namanin
4. Qhataakaariw lo eeram zindagaanii  
Akuyenum jaa bes eeram nii jawaanii
5. Guyeenas nuure marakaar bes agarisam  
Je une Tawhiide sijdaar bes agarisam
6. Je butj waqtu lo ibaadat çum til aalam  
Dariigaa bes qiyaamat çum til aalam
7. Ariin çum Nuure diidaarin bes eeram  
Akhenuma te çaybe surayaarin bes eeram
8. Butjan diidaare fursat eeram afsuus  
Je bii-here jiiye izzat eeram afsuus
9. Akhenasiñe qhurçe çap nama baa je naadaan  
Paşaymaan baa paşaymaan baa paşaymaan
10. Je une yaad çum til aalas gaa le Mawlaa  
Beşal kuli Şule Daman jaa til akoolaa
11. Akheşkiya te mathan niyabaa je un çum  
Atheeriye das yakal une barci yaarum
12. Akhar eskarça baa une ma'rifat çum  
Butjan bii-gaana namanin une sifat çum

13. Dütan ḡaflate qhur ncu lo čap naman baa  
Akuyčum Nuure Saa! Jey thap naman baa
14. Je muu guy ċharći naar une hiňa če daayam  
Pašaymaan baa je-jey chor bes ataayam
15. Qhudaayaa! Guymo Hinkuše Zaate haqu lo  
Sifaatine Paakiyate isbaate haqu lo
16. Kul aalam yam šoqum une ilme haqu lo  
Ayaś destay ganum une hilme haqu lo
17. Nabuuwate meykinum Tawhiide haqu lo  
Walaayate meesanas Tamjiide haqu lo
18. Malaayiktine senas une zikre haqu lo  
Guyeenas šawqe sise šule fikre haqu lo
19. Buzurgiye hadu lo yeečas Nuure haqu lo  
Guyeečas Aqle Muusaa Tuure haqu lo
20. Guyeečum išqe sise šurayaare haqu lo  
Akuyčum šule sise jaryaare haqu lo
21. Henaskuš gaťi bilum Qur'aane haqu lo  
Tamaam iimaane sise iimaane haqu lo
22. Ukhar diwsum šhahiidtine qhuune haqu lo  
Ilaahaa! Rahmatiňe Qaanuune haqu lo
23. Ruwar saňkuš suyas une yaade haqu lo  
Muhibbate herše šule faryaađe haqu lo
24. Buyat daačan Damaan! Une Diine haqu lo  
Jamaa'ate aajiziye aamiine haqu lo
25. Qhudaawandaa! Je une hiňa čum hukan baa  
Jamaa'ate šum učhoňu lum tike fukan baa

26. Qhataamiñe bagħsiṣ aar eh le jiiye ġaffaar!  
Zu jaa aybiñ ċapaa waa ġħanki Sattaar
27. Jahaalate żan bilum as ċum żan eeri  
Hamiis ġaflatu lo eyanum as sañ eeri
28. Uyam diidaare gane as biiqaraar aa  
Thum armaanin uyoon lip naa garaar aa
29. Qhabar naař jiiye jii! Une ma'rifaż ċum  
Sañ aar waa aqle Jawhaar! Une sifat ċum
30. Lip aa ġaflat gupas ruwe altumal ċum  
Ye aso une Nuure Sire ċaġamin azal ċum
31. Je une śule bandagiye surayeeše leel aa  
Uyam une zikre ruwe purayeeše leel aa
32. Hikan une bandagiye pastiw lo daspas  
Hikan une iśqe nase mastiw lo daspas
33. Bahaariw lum qħuronçiñe goon nah aawar  
Ayaškuše asquriñ jaa asu lo daaqhar
34. Gukhare kaa as ke jii dān aasnaa aa  
Zu une śule fuw lo ruuh daastun fanaa aa
35. Sa-thap aykin je une Tawhiide ta'liim  
Uyam une śule adab une Nuure ta'ziim
36. Hamiis śule ruuh numan zu le jaa asar gi  
Gariib as ċum beśal kuli un qhas ooni
37. Adabe ċaġamin akheyabaa haay faryaad  
Ye zu le daltaško aagar aqle Ustaad

38. Uyam dān naasqulin une aski daaco  
 Thi dišanar as ayeeri as guriin oo
39. Sanaa aasan le Mawlaa! Umre faş qhaa  
 Gukhar čum til ayaaskarč naa je baş qhaa
40. Saqhi! Jimdeen je une marakaw lo daspas  
 Tajallaa Nuure Wahdate haw lo daspas
41. Jamaa'ate niik durooyñar os han oo naa  
 Gukhar čar ose qhiyaálih buṭ čhan oo naa
42. Uchi le zaahir ke baatine Nuure diidaar  
 Ayoowar hili ayoo, qhatm oo le jaryaar
43. Buṭan meečan le šaa! Mii kam ibaadat  
 Dimeečan yaa Kariim mii yaşki aadat
44. Dimećanaan ruuh ke jismu lo un dimiw naa  
 Besan un čum dimiwsas bike amiw naa
45. Hamiisa ma'rifate zayina meeltir  
 Hazaar rahe Nuure guskile sah sa meeltir
46. Balaamin čum dimespas naa Madadgaar!  
 Hamiisa diin-u dunyaa aqle Sarkaar
47. Hamiisa aqle a'maaline niyat mee  
 Mudaam une hiña če til niikiye buyat mee
48. Miriin qhas fat amee une sujo laman čum  
 Amespal rahm eh une Tawhiide gan čun
49. Nasiir guy eykinaa zaariye munaajaat  
 Rawaa ee Paadśaa! Ine jumla haajaat

Sulguyo kala buṭ

1. Sulguyo kala buṭ meski duwal baan ye žu Mawlaa!  
 Yaa Nuure qhiyaalaatu lo gopaćar mičhu Mawlaa!  
 Ruwe kaše safaa hikmate marakaar migu Mawlaa!  
 Diidaarane buṭ yuuhibi mes rahm dusu Mawlaa!  
 Yaa Nuure Kariim! Čhoor mičhi une ramate diidaar
2. Manzuur eh žu Šaa! Une šule diidaare munaajaat  
 Guskile raše saň mee bare ruwe ġaflate zulmaat  
 Tok sarke ne meeltir šule sis išqe kiraamaat  
 Coor leel bila šule fuw lo kabaab bim mese haalaat  
 Yaa Nuure Kariim! Čhoor mičhi une rahmate diidaar
3. Mawlaa! Dukoyaljaa šule sise zaariye faryaad  
 Une Nuure çadam yaare maniš mii watan aabaad  
 Une šule sis umansan čhane kawnaynu lo aabaad  
 Une bamiso ogiltir le saqhii hikmate Ustaad  
 Yaa Nuure Kariim! Čhoor mičhi une rahmate diidaar
4. Nuuraani Jawaanañ numa žule Nuure Firištaa!  
 Mii mulka te hik jil mane waa hikmate Sah Saa!  
 Ruwe qhošiye baseh desar dukoon aqline Daryaa!  
 Ruwe dawlate meešulja azale ġaybe Qhazaanaa!  
 Yaa Nuure Kariim! Čhoor mičhi une rahmate diidaar
5. Mese milcine saň aalame daltaškuwe Sardaar  
 Šurayeešihe firdawse duwaasas ruwe Šurayaar  
 Mii jiiye, ruwe, aqle wafaadaar uyam Yaar  
 Ruuhaani Šahinšaah šule sise jiiye Madadgaar  
 Yaa Nuure Kariim! Čhoor mičhi une rahmate diidaar

6. Kul ilme Kitaab Aqle Qalam Nuuriñe Qur'aan  
 Daanaayiye čhaga tool ne mesas hikmate Furqaan  
 Ruwe thaayko sifaatiñu lo hamis puuro bam Insaan  
 Aalamiñe Damane Nuur magar jisme Šahinšaan  
 Yaa nuure Kariim! Čhoor mičhi une rahmate diidaar
7. Asu lum śule dunyaate qhošiye baypaše Gušpuur!  
 Chaa zinda duqhar ruwe nas uyam lak rane asquur!.  
 Ruuh yeenašo sise fikre thapar aqle safaa Nuur!  
 Birdi ke ayašine Saan! Le dunyaatu lo máshuur!  
 Yaa Nuure Kariim! Čhoor mičhi une rahmate diidaar
8. Ruwe šahrin uyoon jañ ne qanas ruwe hole Afsar  
 Čhan Diine hifaazate nañe gane hirkuse Haydar  
 Kul diiniñe rahbartine gane hikmate Rahbar  
 Arasaate Uyum adle Daman Saaqiy-i Kawsar  
 Yaa Nuure Kariim! Čhoor mičhi une rahmate diidaar
9. Mese milcine meeltir bare une Nuure jamaalin  
 Jilwan far eh eegan bičuman husne misaalin  
 Śule hikmate ramziñu lo migun aqle kamaalin  
 meykin ruwe ta'liimu lo une qadre jalaalin  
 Yaa Nuure Kariim! Čhoor mičhi une rahmate diidaar
10. Gođigaari dimeen śulguyo parwaana mayaar ray  
 Une iſqe uyam mastiye mastaana mayaar ray  
 Śule qhamre nimersan śule diiwaana mayaar ray  
 Une Nuur akhenaso čum mese biigaana mayaar ray  
 Yaa Nuure Kariim! Čhoor mičhi une rahmate diidaar

11. Diidaarane gane yuu'yibi as une šul: dasu lo  
 Yaa zaahiri diidaar áchi yaa aar gane asu lo  
 Ruuhaani Balase Garu lo zu yaa Asqure nasu lo  
 Eer qaw-e le Nasiir! Hercume diidaare hawasu lo  
 Yaa Nuure Kariim! Choor mičhi une rahmate diidaar

Note: Parwardigaare Paak Zaatar lak andar lak heesi šukr manis,  
 ke gute "Diiwaan-i Nasiiri" Qaanah-i Hikmate kitaab Latin  
 (Laatiini) harpuču lo girminas duro 19/1/1980 lo šuruu' ne  
 25/2/1980 lo fas manimi. Jaa buč cum ke buč ayarum ine jeymo  
 ruuhaani duust Jimmy Jinah ite buč daltas daa meyarum haale  
 gute uyoone qhoše duro dumanimi. Ama be daltas waqtan daa be  
 paakiiza iimaane maahawlan bilum.

Faqat,

Nasiiruddiin Nasiir Hunzaai,  
 C/O Jimmy Jinah,  
 2007 LAVALLEE, LONGUEUIL, P.Q.  
 CANADA. J4J 4E4



Published by

**KHANAH-I HIKMAT  
IDĀRAH-I ARIF**